



শ্রীকৃষ্ণজন্ম



ব্রজগোপালসিংহ









প্রবন্ধ সংকলন

(১ম সংস্করণ)

শ্রী ব্রজগোপাল সিংহ এম. এ. বি. টি
এল. এল. বি. শাস্ত্রী (ব্যাকরণ)

শিঙলা ★ দুর্লভছড়া ★ করিমগঞ্জ।

PROBANDHA SANKALAN, a collection of socio-cultural, historical sources datas etc, is written by Sri Brajagopal Sinha, M. A. B. T. L. L. B and published on the 16th Dec' 2000 on the occassion of 131 1st Birth, anniversery of Sri Sri Rhubaneswar Sadhu Thakur.

.....

প্রবন্ধ সংকলন :—

১লা সংস্করণ

ফণ্ডনির খেলতাম :—

১৬ই ডিসেম্বর ' ২০০০ ইংরাজী

ফংকরানিং :—

অধ্যাপক **শ্রী কমলাকান্ত সিংহ**

রামকৃষ্ণনগর। (পঞ্চদশ) জিলা, বি, পূ, পূ, পূ

সৌজন্যে :—

ফাণ্ড পত্রিকা বারহ

সিংলা সাহিত্য পত্রিকা।

প্রচ্ছদ শিল্পী :—

শ্রী কাকন বরন সিংহ

রামকৃষ্ণনগর।

দাম :—

তাছা ২৫ হান (আক্কুড়ি পাঁচহান)।

মুদ্রণ :—

চৌধুরী প্রিন্টার্স

রামকৃষ্ণনগর।

କିମ୍ବଦନ୍ତୀ

ଉତ୍ତମ

ପରମ ପୂଜନୀୟା ଈଶା

ବିହାରୀୟା ଦେବୀର ନିଃସଂସାର —

ବ୍ରଜଗୋପାଳ

୧୭/୧୨/୨୦୦୦ ଇ।

ବ୍ରଜଗୋପାଳ

ବ୍ରଜଗୋପାଳ

(ସାକ୍ଷୀ)

ভূমিকা

‘ফাগু’ পত্রিকা বারো বিভিন্ন পত্রিকারমা সময় সময়ে প্রকাশিত অ-
গেছেগা প্রবন্ধ কতহান আকসাটে পুল করিয়া রামকৃষ্ণ নগরে শ্রীশ্রী
ভুবনেশ্বর সাধু ঠাকুরর ১৩১ তম অভিবাব তিথি উপলক্ষে ঠৌরাং করা
স্মরণোৎসবর পুণ্য লগ্নে ‘প্রবন্ধ সংকলন’ নাঙে পয়লাকার সংস্করণ হান
সাত করানি অইল। পুল করানি আছে প্রবন্ধ উতারমা বিষ্ণুপ্রিয়া মণি-
পুরী সমাজর ঐতিহাসিক তথ্য বারো কৃষ্টি কলার বিভিন্ন দৃষ্টি ভঙ্গীলো
আলোচনা করানি আছে।

তঙাল তঙাল রঙর ফুল তিল করিয়া গিঠলে যেসাদে ফুলর ডালহান
বা ফুলর মালা বুলিয়া রূপহান ধারণ করেব, ঠিক উসাদে জাতর প্রাচীন
ঐতিহ্য ঐতিহাসিক তথ্য, কৃষ্টিকলা, মণিপুরর বপাবপির পুরানা য়ারী,
এলা নাছার পৌরেই এতা হাবি পুল করিয়া ‘প্রবন্ধ সংকলন’ নাঙে
লেরিক এহান প্রকাশ করানি অইল।

সমাজর নাড়ীয়ালা গুণিজন বারো মারূপ মাসাং হাবিহানে ‘প্রবন্ধ
সংকলন’ বুলিয়া লেরিক এহান নিকালানিরকা থাকাত দেনার সালে
খৌরাংহান মিটানিরকা ইরাজিরি অয়া পেইরাক পেইচিলে লেরিক এহান
কংকরানি অইল। জাত জাতর ফুলর মালা যেসাদে মানুর দৃষ্টি আকর্ষণ
করেব, লেরিক এহানে ঠিক উসাদে পাকরে কুরা দশ গিরিগিধানির
দৃষ্টি আকর্ষণ করক, এহানেই কাম্যহান।

ইতি — ১৬ / ১২ / ২০০০ ইং

ব্রজগোপাল সিংহ

(গ্রন্থকার)

শুভেচ্ছা

শ্রী ব্রজগোপাল সিংহ এম . এ . বি . টি , শাস্ত্রী এল , এল , বি
গিরক এগো দুল্লভছড়া চরগোলা ভেলী পারিক হায়ার সেকেণ্ডারী স্কুলর
প্রিন্সিপাল ডাঙরিয়া গিরকে বিষ্ণুপ্রিয়া মণিপুরী ধারলো লিখেছে। প্রবন্ধ
সংকলন বই এহান অত্যন্ত গুরুত্বপূর্ণ সামাজিক বাবো ঐতিহ্য তথ্য
পূর্ণ ভাবধারায় পূর্ণাঙ্গ ভাবে লিখেছে এহান সহজে ধরা পড়ের। প্রবন্ধ
সংকলন লেখিক এহানার প্রবন্ধ পাকরিয়া চেইলু উতার নাং ক্রমান্বয়ে ,
খাম্বা থইবীর ঐতিহ্য, মণিপুররমা বিষ্ণুপ্রিয়া মণিপুরীর রাজত্বকাল, স্বাধীনতার
আন্দোলনে আমার মানুর ভূমিকা, সাধুবাবা বাবো গীতিস্বামীর আদর্শ , মণি-
পুররমা দুর্গাপূজা প্রচলন আপকপা পূজার প্রচলন। মোর মনে অরতা বিষ্ণু-
প্রিয়া মণিপুরী ঠারর প্রবন্ধ সংকলন লেখিক এহান পাকরলে সমাজর গভীর
সাহিত্যর বাবো ঐতিহাসিক ছবি আহান তন্তরে ধরা পড়ের পারা। ঠারহানর
দিক দিয়াও মূল্যায়ন করিয়া চেইলে সাধুভাষার কথাই ইঙ্গিত আহান
পেটয়ার। গিরকর প্রবন্ধ সংকলন লেখিক এহান আমার সমাজরমা পয়লা-
কার হান বলিয়া মি নিংকরুরী। ইতি—

রূপালী চাকান্দক

শ্রী গোকুলসেনা সিংহ

শাস্ত্রী

বিষ্ণুপ্রিয়া মণিপুরী সাহিত্য সভার

তাং- ৬ / ১২ / ২০০০ ইং।

সভাপতি। পয়লাকার।

কৃষ্ণনগর , দুল্লভছড়া।

ভিত্তিক

ভূমিকা

প্রকাশনীয় -

বাক্য আগন্তু মোর সহাধ্যায়ী বর্তমানে অধ্যক্ষ শ্রী ব্রজগোপাল সিংহর ইতিহাস, সমাজের মিঙচেত বিষয়ক বারো আর আর রচনা “ফাগু”ত্ব থাংনাত শতছে পত্র-পত্রিকাত কাম পেয়া ১৯৮২ ইংরেজীত নিকুলিল গিরকর লেরিক-শৌ “লেইক্কক”। আরাকউ লিং বারো পারিচেত লেংকরা খুন্তুল্ল নিয়াম দরকারী ঐতিহাসিক বারো সামাজিক কাম্মুয়ে পালকরিয়া পূজ্যপাদ শ্রীল ভুবনেশ্বর সাধুঠাকুরর ১৩১ তম আবির্ভাব তিথি স্মরণোৎসবর পূণ্যদিনে ফঙর গিরকর “প্রবন্ধ সংকলন”র খঙচেল হত্তু-মেউ নুংশি কঙালা।

রামকৃষ্ণনগর

শ্রী কমলাকান্ত সিংহ

১৬-১২-২০০০ ইং

ইংরেজী বিভাগ

রামকৃষ্ণনগর কলেজ।

“প্রবন্ধ সংকলন” সম্বন্ধে কথা দ্বি আকচুটি

শ্রী ব্রজগোপাল সিংহ এম, এ, বি, টি, এল, এল, বি, গিরকর ‘প্রবন্ধ সংকলন’ এহান সমাজ সংস্কৃতি বারো ইতিহাস বিষয়ক গবেষণা ধর্মী প্রবন্ধর লেখিক আহান। তার ইকরা প্রবন্ধ এতার গুরুত্ব অপারিসীম বলানি য়াকরের। উক্ত বিষয় এতালো অনেক গিরিগিথানিয়ে ভাবনা-চিন্তা করিয়া থাইলেউ এতা লিখিত রূপলো হাজেয়া লেখিক আকারে মানুর মুণ্ডে নিকালানির হন্না করেসি বুলিয়া মোরতা নিউনার। গ্রন্থকার গিরকর মহৎ প্রচেষ্টা এহানে সমাজর অন্তঃসন্ধিৎসু মানুর মনর খোরাক জোগানি পারতৈ বুলিয়া আশা থউরি।

আমার সমাজর তথ্য সমৃদ্ধ অনেক পুরানা পুরানা যারী-পরী, বিষয়দি হাতে হাতে লিখ খঙনির পথেদে সালসে। ইকরে পারতারা লেখক গিরি গিথানিউ এব্যাপারে নিয়াম উদাসীন। এ ক্ষেত্রে দেহিয়ারতায় ব্রজগোপাল সিংহ গিরকে অত্যন্ত কুপয়া, সচেতন অয়া এদিক এহান সমাজর মুণ্ডে তুলিয়া ধরানির প্রচেষ্টা আহান চালাসে। নিঃসন্দেহে মাতে পারিয়ার ‘প্রবন্ধ সংকলন’ এহান সমাজরাং প্রতিষ্ঠা আহান বারো এ গ্রন্থ এহান সমাজর প্রশংসা বারো অভিনন্দন যোগ্য খুন্তল আহান।

কালাসেনা সিংহ

১০/১২/২০০০ ইঃ

রামকৃষ্ণনগর।

শুভেচ্ছা

বিশ্বকাম্য হী ১২ক কাম্যক "চলিতকাম্য কাম্যক"

শ্রী ব্রজগোপাল সিংহ বিষ্ণুপ্রিয়া মণিপুরী সাহিত্য, কলা-সংস্কৃতির সুপ্রতিষ্ঠিত সাহিত্যিক আগ। গিরকর লেখা বিভিন্ন পত্র - পত্রিকা (বিশেষতঃ "ফাগু") সময় সময়ত প্রকাশিত আছে ওতা নিয়াম মনোগ্রাহী বাৰো সময়োপযোগী। গিরকে বিষ্ণুপ্রিয়া মণিপুরী সাহিত্যরকা যে ত্যাগ স্বীকার কৰেৰ ওহান বাখানৰ দাবী থৰ। গিরকৰ এখুৰুমকাৰ "প্রবন্ধ সংকলন" হান খাম্বা থইবীৰ ঐতিহ্য, মণিপুরৰমা বিষ্ণুপ্রিয়া মণিপুরীৰ ৰাজত্বকাল, স্বাধীনতা আন্দোলনে আমাৰ মানুৰ ভূমিকা, সাধুঠাকুৰ বাৰো গীতি-স্বামীৰ আদৰ্শ, মণিপুরৰমা দুৰ্গাপূজাৰ প্রচলন, বাৰো আপকপা পূজাৰ নাঙৰ কতহান প্রবন্ধৰ সংকলন এহান বিষ্ণুপ্রিয়া মণিপুরী সাহিত্যৰ ইতিহাসে ডাঙৰ আলোড়ন আহান আনতৈ বুলিয়া কাৰেম কৰে পাৰিয়াৰ।

শ্রী ব্রজগোপাল সিংহ গিরকৰ সানৰ সুপ্রতিষ্ঠিত ঐতিহাসিকে এসাদে লেখিক - লেইশু ইকৰলে আমাৰ জাতহান প্রকৃতার্থে নিয়ামপাৰা বলী-পাংকাল অইতৈ। গিরকৰে মোৰ পুন্নিওহান কাংকৰিয়া আজি এপেইতেই।

তাঃ - ৬ / ১২ / ২০০০ ইং।

বিধান সিংহ

উপদেষ্টা (বিষ্ণুপ্রিয়া মণিপুরী ভাষা)

ৰাজ্যিক শিক্ষা গবেষণা বাৰো প্রশিক্ষণ পরিষদ।

আসাম।

১৯০০০০ / ১৯০০০০

। ১৯০০০০০০০০

সূচীপত্র

- ☐ ভারতর স্বাধীনতা আন্দোলনে আমার ভূমিকা ২ পৃঃ
- ☐ মণিপুররমা বিষ্ণুপ্রিয়া মণিপুরীর রাজত্বকাল ৭ পৃঃ
- ☐ খাঙ্গা খোইবীর ঐতিহ্য ১২ পৃঃ
- ☐ আপকৃপা পূজার প্রচলন ১৬ পৃঃ
- ☐ সাধুবাণী বারো গীতিস্বামীর আদর্শ ২৩ পৃঃ
- ☐ ছুর্গাপূজা বারহ আমার মানুর ভাবধারা ২৭ পৃঃ

ভাৰতৰ স্বাধীনতা আন্দোলনে

আমাৰ মানুহৰ ভূমিকা

বিষ্ণুপ্ৰিয়া মণিপুৰী মণিপুৰৰ পুৰানা শাসক দাপাহান। কিন্তু অষ্টাদশ শতকৰ পৰা দিকে মৈতেয় মণিপুৰী শাসক পাম-হৈবা (নাগা সদাৰ) বা গৰীবনওয়াজৰ শাসনৰ কুচক্ৰান্তে বাৰো যড়যন্ত্ৰে আমাৰ বিষ্ণুপ্ৰিয়া মণিপুৰী এতা থানা হিনপানি অকৰলা। ফলে কাছাড় সীলেট বাৰো ত্ৰিপুৰাদে আনা অকৰলা। পিছেদে উনবিংশ শতকৰ পৰাৰো মাজাতৰ আক্ৰমণ অৰ্থাৎ মণিপুৰে বৰ্মাৰ আক্ৰমণৰ ফলে (অৱাৰ ভাগন) আমাৰ মানু আৱাকৌ নিয়াম-পাৰা দাবদিয়া আনা অকৰলা। এসাদে কৰে বিষ্ণুপ্ৰিয়া মণিপুৰী ডাঙৰ সংখ্যা আহান মণিপুৰ ইমাৰ মাটি বেলেয়া কাছাড়, কৰিম-গঞ্জ, ত্ৰিপুৰা বাৰো সীলেট এসাদে ফামে ফামে ঠাং ঠাং অইলা। এসাদে কৰে এবাদে আমাৰ মানু ঘৰবাড়ী দিয়া থানা অকৰলা বাৰহ যেতা যেপেইত থাইলা ঔতা ঔপেইৰ পৰিবেশলো শিক্ষা দীক্ষা পানা অকৰলা।

কালৰ বিবৰ্তনৰ ফলে ইংৰেজ সরকার ১৮৭৪ সালে আসাম এহানৰে চীফ কমিশনাৰ প্ৰদেশ বুলিয়া বঙ্গদেশে পুৰি তঙাল কৰে। দিল হাকতাকে আমাৰতা দাপা আহান সীলেট বাৰহ দাপা আহান ত্ৰিপুৰা বাৰহ আসামৰ বাসিন্দা বুলিয়া পৰিচয় দিলা। এহানৰ দৃষ্টান্ত — Assam Census Report 1891. ঔতাৰ পিছেদে আৱাকৌ স্বাধীনতাৰ চেতনাৰ ফলে বঙ্গদেশে আন্দোলনৰ জি — নিকুলানি অকৰলো। ফলে ১৯০৪-১৯০৫ সালে ঔসময়ৰ ইংৰেজ শাসক লৰ্ড কাৰ্জন সাহেব বঙ্গদেশ এহানৰে দ্বিভাগ কৰে দিলা। ফলে পূৰ্ববঙ্গ বাৰো পশ্চিমবঙ্গ হওইল। আমাৰতাউ ঔহানৰ লগে লগে দাপা আহান কাছাড়ে বাৰো আৱাক দাপা আহান সীলেট, কৰিমগঞ্জ বাৰহ ত্ৰিপুৰা অয়া থাইলা। ফলে বৰাক ভেলী বা সুরমা ভেলী বুলিয়া খেই কৰিয়া মাতানি অকৰলা। ভাৰতৰ স্বাধীনতা সংগ্ৰামে এৰে অবস্থার

পরিপ্রেক্ষিতে আমার মানুর ভূমিকা কতটুকু? এহানর সঠিক উত্তর যতহান তথ্য পাছু ঔতালো খাংনাত শাতকরানি অইল।

স্বাধীনতা আন্দোলনর ভূমিকা বা অবদান হিসাবে আমারতা পয়লা বীর টিকেন্দ্রজীও গিরকরে পাছরানি থকনেই। গিরকে মিঃ বারো মিসেস কুইনটেন সাহেব দ্বিরগিরে মারানির ফলে ১৮৯১ সালে টিকেন্দ্রজীও গিরকরতাউ ফাঁসির হুকুম অছিল। আমি মণিপুরী মাত্রই গিরকরে নিংকরানি লাগের।

ঔতার পিছেদে বিষ্ণুপ্রিয়া মণিপুরী সমাজর পরম শ্রদ্ধাভাজন স্বাধীনতা সংগ্রামী খ্যাতনামা শহীদগো ৩বৈকুণ্ঠনাথ শর্মা এইগা গিরক। এইগা গিরকর পরিচয়-হান— গাংহানর নাং ভানুবিল, পোঃ— মৌলভীবাজার, জিং— শ্রীহট্ট। ১৯১০ সালে ঔপেইর আন্দোলন-কারী গিরিগিথানীরে বাংলার মাটিও “বন্দে-মাতরম্” আওয়াজ তুলিয়া ইংরেজ শাসকরে ডর দেহুয়াছিল। ঔপেইত এইগা গিরক ভানুগাছেত আমারতা বিরাট সংগঠন আহান করিয়া আন্দোলনে সামিল অছিল। বিশেষ করিয়া এইগা গিরক পণ্ডিত মতিলাল নেহেরুর লগ্গো অছিল। ঔ এইগা গিরকরে সদর সিলেট জিলার পুলিশ কমিশনার গিরকে ভানুবিলে অর্থাৎ ভানুগাছর বিলগরমা গ্রেপ্তার করল। পিছেদেও ১৯২১ সনে এইগা গিরক কারাবরণ করিয়া থাইলগা। খুব সম্ভব কারাগারেত মুক্তিপানার আগেই তৌর খয়া পাছিল। পিছেকার এইগা গিরকর গ্রেপ্তার ঔহান দেহিয়া জিলক লীলাবতী শর্মা ৯ বছরর শৌগো অয়াউ বাপক এইগা গিরকর ফেইচমর চুটিগো ধরিয়া লগে গেছিলীগা। গিথানকরেও ইংরেজ সরকার গ্রেপ্তার করানিয়ে কারাবরণ করলী। পরে গিথানক মুক্তি পেইল। তা থকয়া গিথানক নিলীমা শর্মা আমার সমাজর পয়লা বেয়াপা স্বাধীনতা সংগ্রামীগো। গিথানকর বয়স ৭৪ বছর। বর্তমানে জীবিতাবস্থায় আগরতলার রাধানগরে আছে। গিথানকর নিকটতম ঘনিষ্ঠ সাকেই প্রতাপগড়র সিঙ্গারীত দেহিয়ার।

ঔতার পিছেদে প্রায় ১০ বছরর চুয়া অইল— বিষ্ণুপ্রিয়া মণিপুরীর— কোন স্বাধীনতা আন্দোলনর কামকাজ সরকারী নথিপত্রে নেই।

কিন্তু ১৯৩০ ইংরেজীৰ স্বাধীনতাৰ ইতিহাসে বিষ্ণুপ্ৰিয়া মণিপুৰী সমাজ-সেবী গিৰিগিথানীৰাংতো সমাজ সেবা হিসাবে ডাঙৰ অবদান থানি পেয়াৰ। কাৰণ ১৯৩১ ইংরেজীত বৃটিশ সরকার Franchise Committee-ৰ নোটিশলো মণিপুৰী হাবিৰে tribal বা উপজাতি বুলিয়া লিষ্টিভুক্ত কৰল। ঔপেইত বিষ্ণুপ্ৰিয়া মণিপুৰী গিৰিগিথানীয়ে জোড়দাৰ প্ৰতিবাদ জানেইলা। এহানৰ প্ৰমাণহান ১৯৩২ ইংরেজীৰ আগৰতলাৰ ৰাধানগৰ বিয়াট সভা। ঔৰে বিয়াট সভাত শিলচৰ, মাছঘাট, সিঙ্গাৰী ভকতপুৰ, কাটাখাল, বিক্ৰমপুৰ, প্ৰতাপগড়, বাপির বন বাৰো সিংলাৰ কৃষ্ণনগৰ বাৰো আৰতাউ পুলছিল। এসাদে হাবি লয়াস্ত সমাজসেবী গিৰিগিথানী পুলয়া Surma Valley Manipuri Association আহান হংকৰলা। তানুৰ সৌজন্তো বৃটিশ সরকার মণিপুৰী হাবিৰে tribal নাগয়, এতা Caste Hindu বুলিয়া গ্ৰহণ কৰল। (J. H. Hutton's Statistical Account of Assam) সমাজসেবী হিসাবে সৰ্বশ্ৰী সাৰ্বভৌম চট্টোপাধ্যায়, কৃষ্ণনগৰ খিলুৰা, মাণিক সিংহ কাব্যৰত্ন নৰসিংপুৰ, নন্দকিশোৰ মুখাজী, চেংকুড়ী বাৰহ আৰ আৰ গিৰিগিথানী হাবি আছিলগ। এতা ছাড়া সমাজ জাগ-ৰণী মানু হিসাবে তনুবাবু সিংহ তগীতিস্বামী গোকুলানন্দ, তমহেন্দ্ৰ সিংহ, এসাদে গিৰিগিথানী কতগোৰ নাং পেয়াৰ। তানু সংগ্ৰামী শহীদ নাইলেউ স্বাধীনতাৰমা সমাজৰ পথ প্ৰদৰ্শক বুলিয়া মাতে পাৰিয়ার। তানুৰে আমি উত্তৰ পুৰুষ হিসাবে ভক্তি তথা কৃতজ্ঞতা জানেয়ার।

১৯৩২ ইংরেজী পৰে অৰ্থাৎ গান্ধীজীৰ গোল টেবিল বৈঠক লমনিৰ পৰে পণ্ডিত মতিলাল নেহেৰু বাৰো মহাত্মা গান্ধীৰ নেতৃত্বে পূৰ্ণ স্বৰাজ গঠনৰ দাবী ভাৰতৰ মানু হাবিৰে উত্তেজিত কৰল। কাছাড়-কৰিমগঞ্জ এৰে আন্দোলনৰ ঢেউ জবৰ অনি অকৰল। ঔপেইত প্ৰতাপগড়ৰ তসোনাচান সিংহ গিৰক বিশিষ্ট স্বাধীনতা সংগ্ৰামীগ গিৰকে শিলচৰৰ বিপ্লবী উল্লাসকৰ দস্ত গিৰকৰ লগৰগো হিসাবে ১৯৩৩ সালে আন্দোলনে সামিল অছিল। বিশেষ কৰিয়া কুমিল্লা কলেজে তামকৰতেগা তসোনাচান গিৰক তদন্ত গিৰকৰ

হাতে পড়িয়া বি, এ, পরীক্ষার হলেও নিকুলেছিল। ঔপেইত তদানীন্তন জিলা কমিশনার তার সৈন্তলো গিরক দ্বিয়গিরে গ্রেপ্তার করল। পরে কারাগারেস্ত মুক্তি পেইল। গিরকর পরিচয় - প্রতাপগড়র জামিরলা। ঔতার পিছেদে ১৯৪২ সালর ' ভারত ছাড়ো ' আন্দোলনে অর্থাৎ গান্ধীজীর বিয়াল্লিশর গণ বিপ্লব আন্দোলনে যে যে গিরিগিথানী সামিল অছিল, ঔ গিরিগিথানি কতগোর নাং থানাত পারেঙহান করে শাত করানি অইল-

১) সর্বশ্রী শ্যামাকান্ত সিংহ, মন্ত্রীগ্রাম পাথারকান্দি, গিরকরে, ৪২ সালর আন্দোলনে সরকারে গ্রেপ্তার করল।

২) নন্দকিশোর সিংহ, প্রাক্তন এম, এল এ। গিরকর পরিচয়- ঘর বর্তমানে শিলচর ক্লাব রোড্। প্রাক্তন সভাপতি, নিঃ বিঃ মঃ মহাসভা। গিরকর মুখ্য অবদান সমাজে আছে।

৩) নন্দকিশোর মুখার্জী, চেংকুড়ী। এইগা গিরক বর্তমানে জীবিত। গিরক স্বাধীনতা সংগ্রামী তথা পুরানা সমাজ সেবীগো।

৪) ৩রসরাজ সিংহ, বিক্রমপুর পরগণা। গিরক স্বাধীনতা সংগ্রামী বারহ বিপ্লবী সমাজকর্মী আগো।

৫) শ্রী ভূপেন্দ্র কুমার সিংহ, প্রাক্তন সভাপতি, নিঃ বিঃ মঃ মহাসভা। গিরকর পরিচয় - সম্পাদক, দৃষ্টিপাত পত্রিকা, করিমগঞ্জ। গিরকর অবদান সমাজে দেহিয়ার। গিরক তেজপুর জেলে ১৯৪২ সালর আন্দোলনে কারাবরণ করেছিল। পরে মুক্তি পাছিল। বর্তমানে রাজনৈতিক তথা সমাজ প্রগতির চিন্তাধারাত গিরকে নীরব কর্মী হিসাবে ভূমিকা নেছেগা।

৬) শ্রী বিলাখম্বা সিংহ, বিলবাড়ী। গিরক বর্তমানে জীবিত। গিরকর স্বাধীনতার আন্দোলনে ভূমিকা পেয়ার।

৭) শ্রী সুখময় সিংহ, পাথারকান্দি। গিরকউ ১৯৪২ সালর আন্দোলনর অগ্রতম সংগ্রামী আগো। গিরক বর্তমানে শারিরীক অসুস্থতায় থানি হিনপার।

৮) শ্রী মহেন্দ্র সিংহ, চামটিলা, দুল্লভছড়া। গিরক বিয়াল্লিশর আন্দোলনর সংগ্রামী আগো। গিরক বর্তমানে স্বাধীনতার ভাতা পার।

৯) শ্রীবনমালী সিংহ, কৃষ্ণনগর, হুগলছড়া। গিরক এগো
বিয়াল্লিশর আন্দোলনে তেজপুরে কনৌকেন্ত কাৰাবরণ কৰেছিল। পৰে
মুক্তি পাছিল।

১০) শ্রীমণিসেনা রাজকুমার। গিরকৰ ভূমিকা - বিয়াল্লিশর
আন্দোলনে কাৰাবরণ কৰিয়া পৰে মুক্তি পাছিল।

মি যতহান হাৰপাছু, ঔহানী তুলিয়া ধৰলু। এতাৰ বারাদেউ
আৰতাউ স্বাধীনতা সংগ্রামী গিরিগিথানী থাইলে ঔ গিরিগিথানীয়ে
প্ৰমাণসহ খবৰাখবৰ কৰলে লেখক নিজে তানুগং কৃতজ্ঞ থাইতয়। বাৰো
আৰাক - আকচুটি মাতানি মনাউরিভায় - আমাৰ জাতৰ কোনো স্বাধীনতা
সংগ্রামী কোনো সরকারী লেবিকে নাদেহিয়ার। তা থকয়া হাৰপানির
তথ্যলো নিজৰ জাতৰ স্বাধীনতা সংগ্রামী গিরিগিথানীয়ে সমাজৰ মুণ্ডে
নিজে স্বীকৃতি দিয়া তুলিয়া ধরানি থক বুলিয়া নিংকরুগী।

মণিপুরৰমা বিষ্ণুপ্ৰিয়া মণিপুৰীৰ ৰাজত্বকাল

শাস্ত্ৰ পুৰাণ মতে মণিপুৰ এহান থাইনাকার গন্ধৰ্ব দেশহান। যেসাদে দেবৰাজ ইন্দ্রৰ সন্তাত অপ্সৰা, কিন্নৰ এতা এলা-নাছা দিয়া-হাৰৌ অইতারা ঔসাদে মণিপুৰৰমা ছুৰ্গ-মহাদেবৰ হাৰৌৰ সেকপীলহান সাকয়া বাকী অপ্সা এতা লগৰতা অছিল। এহানৰ প্ৰমাণ (১) শ্ৰী ভবেন্দ্ৰ নাৰ্জি গিৰকৰ লেংকৰা “বড়ো-কছাড়ী সমাজ আৰু সংস্কৃতি” লেৰিকৰমা হাৰপেয়াৰ। গিৰকে লেৰিকহানৰ ১৭ পৃষ্ঠাৰমা মাতিয়া গেছেগা বিষ্ণুৰ বৰাহ অবতাবৰ দ্বাৰা পৃথিবীয়ে মাটিৰ পৰা অতিৰ্বিশুদ্ধ চিধবাক জন্ম দিয়ে। তেঁওৰ লগত সাতজনী অপ্সৰাও জন্মিছিল আৰু এই সাতজনীক সাতজন দেৱতাই বিয়া কৰাইছিল। সিয়োঁতৰ ঔবসত সাতটো সন্তান জন্মিছিল। এই সাত সন্তান সাত গোত্ৰত — হোৱা বুলি কয়। যেনে আংগাম (ভবদ্বাজ গোত্ৰ) লুৰাং (কাশ্যপ গোত্ৰ) খুমন (মধুগল্য) মৈবাং আদি। তেঁওৰ বংশাবলী পৰবৰ্তী চিত্ৰাপদাৰ লৰা বজ্ৰবাহন। বজ্ৰবাহনৰ পৰবৰ্তীকালৰ মণিপুৰৰ বজ্ৰ পাখাংবা”।

এহানাত হাৰপেয়াৰ যে মণিপুৰৰমা বিষ্ণুপ্ৰিয়া মণিপুৰী এতা আৰ্য-কৃত্ৰিয় হো — থাইনাকার মানু। বাৰৌ মৈতৈ ৰাজা পাখাংবা মণিপুৰৰ বজ্ৰবাহনৰ থাংনাকার ৰাজাগৌ। এহান ৩ মহেন্দ্ৰ কুমাৰ সিংহ গিৰকে তাৰ “মণিপুৰেৰ প্ৰাচীন ইতিহাস” লেৰিকহানাত মাতেছিল।

২) E. A. Gait সাহেব গিৰকে মাতেছে— “They (Meitheis) have records, which support to carry back their history to the 30th year of the christian era. Between that date and 1714 A. D. however, only 47 Kings are mentioned.” — এহানাত হাৰপেয়াৰতায় যে মণিপুৰৰমা। মৈতৈ মণিপুৰী — ৩০ খৃষ্টাব্দত ৰাজত্ব অকৰেছি। আচানক য়াৰীহান অইলতায় ৩০ খৃষ্টাব্দত ১৭১৪ সাল পেয়া মৈতেয় ৪৭ গৌ ৰাজা পালছিল। হিসাব কৰলে পেয়াৰতায়, প্ৰায় ১৬৫০ বছৰৰ ভিতৰে ৪৭ গৌ

রাজা পালনি মানে আকেইগো রাজা প্রায় ৩৫০ বছর রাজত্ব করেছিল। এহান অবান্তর বা যুক্তিহীন য্যারীহান। পৃথিবীর কোন ইতিহাসে এসাদে নামাত-তারা। এহান Gait সাহেব গিরকে ইকরানির কলে হার পেয়ারতায় মৈতেয় নিয়ামদিন রাজত্ব না — করেছি। কিন্তু বক্রবাহনর রাজত্বকাল ১২০০ খৃষ্ট পূর্বাব্দ তা থকয়া মৈতেয় রাজত্বর ৩০ খৃষ্টাব্দর আগে প্রায় দৈড় হাজ্জার বছর আৰ্য ভাষাগোষ্ঠীর মানু মনিপুররমা রাজত্ব করেছিল। ঔতার লগে বিঃ মঃ সম্পর্ক আছে।

এহানর আৱাকৌ হবা সমর্থন পেয়ারতায় রাজমোহন নাথ গিরকর “The back ground of Assamese culture” লেৱিকহান।

লেৱিকহানার ৮৭ পৃষ্ঠারমা গিরকে মাতিয়া গেছেগা- In Manipur, in spite of the Devanagari script, which the Kalachais might have been using, the meitheis, when they come into power introduced the Manipuri script. — অর্থাৎ খালাচাই মানুর (বিঃ মঃ) দেব নাগরী আখর (মেয়েক) খায়াউ মৈতেয় মানু যেবাকা ক্ষমতা পেইলা, ঔপেইত তানু নুয়া মেয়েক — জুগো আগো প্রচলন করলা। এহানাত — হারপেয়ার বিষ্ণুপ্রিয়া মনিপুরে নিয়ামদিন রাজত্ব করেছিল।

3) Sir G. A. Grierson সাহেব গিরকে তার “Linguistic survey of India, 1891” লেৱিকহানাত মাতেছে — “In Manipur, a tribe known as Mayang speaks a Mongrel form of Assamese, known by the same name. They are many and also known as Bishnupriya Manipuris or Kalisa Manipuris. Their Head quarters are two or three plain villages near Vishnupur (locally known as Lamangdong), 18 miles to the south west of Imphal.”

এহানাত পৱিষ্কাৱ হারপেয়ার যে বিষ্ণুপ্রিয়া মনিপুরী মানু মনিপুরে নিয়ামপাৱা আছি বাৱো তানুর প্রধান বসতি কেন্দ্ৰস্থল বা রাজধানী বিষ্ণুপুর বা মৈতেয়ঠাৱে লাম্যাংদং।

4) E. T. Dalton সাহেব গিরকে তার " Descriptive Ethnology of Bengal " লেখিকহানার ৪৮ — ৪৯ পৃষ্ঠারমা মাতিয়া গেছেগা—
 " The Valley of Kalou was at first occupied by several tribes, Principals of which were named Khumal, Moirang, Loang, and Meitheis. " — এহানাত খৈনায়া হারপেয়ার যে পয়লা কুমল, মৈরাং, লোয়াং রাজত্ব করেছি। পিছেদে কাবু উপত্যকারমা মৈতেয় হমাছি।

5) এতাত জিঙে আরাকৌ লেপকরে হারপেয়ারতায় "Assam Census Report, 1891"— page 253— "Manipuri exile in these districts (Assam, Shylet, Cachar and Tripura), who consider themselves, I am informed to be the real Manipuris and the present inhabitants of the country (Manipur) to be the poor adulterate stock, a compliment which is reciprocated to often with acerbity." অর্থাৎ আসাম, সিলেট, কাছাড় বারো ত্রিপুরা এসাদে কামে কামে যে সংখ্যাগুরু বিঃ মনিপুরি আহেছি, ওঁতায় আসল মনিপুরী বারো বর্তমান মনিপুরে যেতা আছি (মৈতেয়) ওঁতা খাংনাকার পরিচয় হান প্রমাণ করের। তা থকয়া-বিঃ মনিপুরী মনিপুররমা বহুদিন রাজত্ব করেছি, প্রমাণ হান পালয়া বা টাঙ টাঙেয়া আছে।

৬) ইকরানির কলমগো খামকরতেগা হারোপা report আহানলো শাতকরানি আইল — মনিপুরর Retired Judge L. Ibungohol গিরকে তার " মনিপুর " নাঙর লেখিকহানর ১৩—১৪ পৃষ্ঠারমা মাতিয়া গেছেগা—
 'মসৈদা মৈতৈ, খুমন, মোইরাং অহম অসিনা লৈরন্মী। অহুদগী খুমনদি ১২ শুবা খুংগী অহুরাইদা মুংখি। অহুদগী মোইরাংগা মৈতেয়গা অসি শয়েং পাশ্বেম ডানছনা, চারোমৌরোন-ছনা খুং ১৭৬১ ফাওবা পান্নিম্নৈ, অহুদগী অরাগী মখাদা মৈরাংনা চহি ৫ রোম অমা মনিপুরদা মথন্তা পাল্লি। অহুদগী খুং ১৭৬২ অদরাইদগী মনিপুর পুন্মকী নিংথৌ মৈতৈ নিংথোনা ওইখি। " অহুগা মৈতৈ লৈপাক্ কৌবিরৈ "। মৈতেয়, খুমল,

মৈরাং- এৰে তিনহান বংশ মণিপুৰৰমা টকিয়া আছিল। দ্বাদশ শতকৰ লমনিৰ হাকতাকে খুমল বংশৰ রাজত্ব লমইল। খাংনাত মৈরাং বংশ ১৭৬৯ খৃঃ পেয়া রাজত্ব কৰেছিল। ঔহানৰ খাংনাত মৈতৈ মণিপুৰৰমা রাজা পালইল। ঔপেইত- তানু মণিপুৰহান মৈতৈ লৈপাক বুললা হাঙে, মৈতেয় ঐতিহাসিক তথ্য পণ্ডিত ইবোঙহল গিৰকে স্বীকাৰ কৰেছে যে মৈতৈ রাজা পালনিৰ আগে খুমল, মৈরাং এসাদে বহু আৰ্য বংশৰ মানু (বিঃ মণিপুৰী) মণিপুৰৰমা ১৭৬৯ খৃঃ পেয়া অৰ্থাৎ ব্ৰহ্মদেশৰ মানুৰ আক্ৰমণৰ আগে মণিপুৰে রাজত্ব কৰিয়া আছিল।

কিন্তু আসলে অষ্টাদশ শতকৰ হমবুকে মণিপুৰৰমা গৰীব নওয়াজৰ আমলে অৰ্থাৎ- পামহৈবা (নাগা সদাৰ) কা মৈতৈ রাজা গোপাল সিংহৰ হাকতাকে বিঃ মণিপুৰী খুমল বংশৰ রাজত্ব লমইল। মৈতৈ রাজ গোপাল সিংহ গিৰকৰ অত্যাচাৰে বাৰো বিঃ মণিপুৰী যত বেকড পত্ৰ হাবি লাগা দেনাৰ ফলে বিঃ মণিপুৰী মানু খানা নুগাৰিয়া কাছাড়, ত্ৰিপুৰা, সিলেট এসাদে কাম ফামে সিলইল। তুনাৰ মণিপুৰ নিজৰ ভিটামাটি এৰে দিয়া আনাৰ খাংনাত অৰ্থাৎ আগ্যচন্দ মহাৰাজাৰ হাকতাকে মৈতৈ মণিপুৰী মণিপুৰৰমা রাজ চক্ৰবৰ্তী পালইল। এহানৰ দ্ৰষ্টব্য — R. M. Nath গিৰকৰ লেৰিক “ Back ground of Assamese culture ” বাৰো অগ্ৰান্ত বেকড নথিপত্ৰ।

তা থকয়া বেকড তথ্যৰ ইকৰা প্ৰমাণলো এহান টাঙ টাঙেয়া হাৰ-পেয়াৰ যে বিঃ মণিপুৰী মণিপুৰৰমা অষ্টাদশ শতকৰ হকবুক পেয়া আছিল। বাৰো ব্ৰহ্মদেশৰ মানুৰ আক্ৰমণৰ আগে পেয়া লগতাকৰ পাৰে রাজা পালয়াউ আছিল। শ্বৈনায়া হাৰপেয়াৰ যে বিঃ মণিপুৰী মৈতৈ মণিপুৰীৰ আগে মণিপুৰৰ মা- রাজা পালয়া নিয়ামদিন রাজত্ব কৰেছিল।

ইতিহাসৰ গতিবিধি অনুসারে আসামৰমা আহোম প্ৰায় ৬১০ বছৰ রাজত্ব কৰেছিল। কিন্তু ঔৰে আহোম আজিও আসামে সংখ্যালঘু - আসামৰ আদিকালৰ মূল বাসিন্দা কাছাড়ী - বড়ো আজি সংখ্যালঘু - ত্ৰিপুৰাৰ ত্ৰিপুৰী জাতি আজি তানুৰ ফামে সংখ্যালঘু - প্ৰবল প্ৰতাপ মুসলমান সুলতানী আমলেও রাজত্ব কৰিয়াউ ভাৰতৰমা আজি তানু সংখ্যা

লঘু-। তা থকয়া মণিপুৰে বিষ্ণুপ্ৰিয়া মণিপুৰী আদিকালৰ বাসিন্দা সত্বেও
সংখ্যালঘুত কিয়া পৰিণত- নাইতায়তা ? প্ৰাচীন কালৰ বেদৰ ভাষা-
হান সংস্কৃত আজি কুংগই টটৰতাবাতা... ? ঐহান অইলে আমি আমাৰ
পূৰ্বপুৰুষৰে কৃতজ্ঞতা জানানি লাগেৰ যে তানুৰ কৃতকৰ্মৰ সালে আমি
আজি পেয়াউ বিষ্ণুপ্ৰিয়া মণিপুৰী ভাষাহান ইতিহাসৰ গতি ভেদ কৰিয়াউ
ঘৰে ঘৰে টটৰিয়া আছি। আমি এবাকাউ আমাৰ ঠাৱহান মিমুত না
কৰিয়া জিংতা কৰিয়া থছি। ৰাজ ৰাজেশ্বৰে না- চলেইলাইছতে আমি
আমাৰ ইমাঠাৱহান পাহৰিয়া থাইলাঙইস।

“History repeats itself” এহান্ যদি সেইতা হান অৱ,
তাইলে বিঃ মণিপুৰী ভাষাহান থাইনাকার মণিপুৰৰ ৰাজত্বকাল বিবেচনাৰ
পৰিপ্ৰেক্ষিতে নুৰাজীবন পেইতয় এহান শ্বৈনাইতয় ; যদি হে কোলি না
লাগিয়া আমাৰ মানুখে ঐতিহহান চেৎকৰে ধৰিয়া থ’ পাতৰাৰা....।

খান্ধা-খোইবীর ঐতিহ্য

বিষ্ণুপ্রিয়া মণিপুরী মুঙ ভারতর (মণিপুরর) পুরাণা আৰ্য্যজাতি বারো খাইনাকার শাসক দলহান। তা থকয়া এরে প্রাচীন শাসক দল এহানর জাতীয় ঐতিহ্যর দিক আহান অইলতায় খান্ধা-খোইবীর অটল প্রেম, খান্ধার শক্তি পরিচয়, খোইবীর হস্তশিল্প বারো তানুর আকসাটে মরানির নিংশিং য়ারী। তা থকয়া খাংনাত ইকরা খান্ধা-খোইবীর য়ারীখানি তানুর কারুকার্য বারো চিত্রশিল্পর নিদর্শন জাতীয় কৃষ্টিকলা তথা ঐতিহ্যর ডাঙর পথ আগো বুলিয়া মাতানি য়াকরের।

খান্ধা— ক্ষুমল রাজপুত্র পারেশ্বার নাতিয়ক খান্ধা। পারেশ্বার বাপক হাউরাম য়াইমা ক্ষুমল রাজ্যর কাদাত মৈরাং রাজ্যরমা লুকেয়া আছিলগাগো; কারণ ক্ষুমল রাজ্যরমা অরাজকতা দেহাদেনায় বারো ক্ষুমলরাজ মধুদেবর জ্যাঠা পুতক হাউরাম তোলৈর অত্যাচারে খুল্লা পুতক হাউরাম য়াইমা মৈরাং রাজ্যে পলাতক হিসাবে আশ্রয় নেছিলগা। এসাদে করে ক্ষুমল রাজ্যে রাজনৈতিক বিবর্তনর কলে শতাব্দী আহান লালয়া য়ানার পিছেদে মৈতেয় মণিপুরী ক্ষুমল রাজ্যে হমানীর সুযোগ পেইলা। (দৃষ্টান্ত —নবখেন্দ্র পণ্ডিত গিরকর লেংকরা “ক্ষুমল পুরাণ”)

খোইবী— মৈরাং রাজ্যেৰ রাজা চিংখু আকুবার জিলক খোইবী। সাদে গুণে নিয়াম হবা মৈরাং রাজ কন্যাগো। মৈরাং রাজা চিংখু তেল জিয়া জিপুত নাপানির কলে মৈরাঙে আশ্রিত ক্ষুমল রাজ্যর নাতিয়ক পুরেশ্বারাং রাজ্যহান দিয়া দিল। কিন্তু নিয়তির পরিহাস- পুরেশ্বা নিয়াম দিন জিংতা নাইল। কলে জিলক খামনু বারো পুতক খান্ধা অসহায় অয়া থাইলা। কিন্তু মৈরাং রাজ্যরমা খামনু-খান্ধার প্রভাব রাজকন্যা খোইবীর মনহান আসুলদেনা অকরল।

খান্ধা-খোইবীর মিলন— খোইবী ক্ষুমল রাজকন্যা খামনুর লগে লজ্জাক হৃদগরমা মাছ দরাত গেছেগা তানজাউগত খান্ধা ২৩শনে প্রভু থানজিং গিরকর য়াথাং পেয়া লজ্জাকে গেলগা। বিধির কলমগো খণ্ডেয়া খণ্ডেয়গো নাগয়— খোইবীর জীবনে কমেডি কানা অকরল। খান্ধারে চেয়া

খোইবী মনহান দরে নুয়ারলো, খাস্তারাং ফংকরিয়া মাতল- “চালাকুরে ঘরে আলথক অয়া যাগা” খাস্তা জানার পিছেদে খোইবী খামনুর লগে লক্তাকেক্ত-আলয়া খামনু-খাস্তার ঘরগোত আইলী। আয়া ফুমল বংশর আদি পুরুষ বা ফুমল পোকপা (আপোকপা) পিণাগোর মুণ্ডে ফাম লেপিয়া ধূপ থন্তেই দিয়া হমা দিয়া মাতিরী- “হে ফুমল আপোকপা গিরক! মি গিরকর বংশর বাতিগো অছে খাস্তার সহধর্মিনীগো অনা মনা-উরী- বারো ঔহান অইলে নিক্কা তোর পূজা কিতা করানি পারতউ।” এসাদে করে খোইবী সতী নারীগো থকয়া মল আজা গিরকর বর পেইল।

কিন্তু খাস্তা খোইবীর প্রেমে ঘাত-প্রতিঘাত আনা অকরল। মৈরাং রাজার সহচর কান্দিয়ানবা খাস্তারে তিকপানি অকরল। খাস্তা বলি পাং-কাল রাজপুত্রগো থকয়া কুস্তি (বর্তমান রেসলিং) খেলারমা হাবিরে জিভানি অকরল। দৃষ্টান্তস্বরূপ ফুবালা গাংহানাত আকদিন খোইনাং আকজাররে সাক্ষীগো থয়া খাস্তা বারো কান্দিয়ানবা দাবদানি অকরলা। খাস্তা কান্দিয়ান বারে ডিফিট দিল।

আরাক আক্খুরুম খাস্তা ডাঙর বলি পাংকাল গুরু বন্ডা আগোরে আতহানিলো ধরিয়া আনিয়া মৈরাং যুবরাজ (খোইবীর বাপক) গিরকর মুণ্ডে উবা করিয়া তার শক্তির পরিচয় দিল। কিন্তু মৈরাং রাজা চিংখু আখুবা কান্দিয়ানবার ষড়যন্ত্রে খাস্তারে দেহে নুয়ারলো। এমনকি খোইবীয়ে খাস্তারে বাহনা পেইরী বুলিয়া মৈরাং রাজায় খোইবীয়ে রাজ্যন্ত পুরি নিকাল দিল। চরেদে খোইবী খাস্তারাং পৌহান বাগানিয়ে খাস্তা ঘাড়াগলো আয়া বনরমা খোইবীর লগে দেহা করল। ঔপেইত তানু দ্বিয়োগির মহামিলনর (রোমান্স) সৃষ্টি করানির সাক্ষীস্বরূপ ফলর বীজ কতগো খাস্তা খোইবীয়ে বেলা দেনায় গাছজার অয়া উঠিল।

এসাদে করে দিন লালয়া যারগা। আকদিন বাঘগো আয়া ঘরেদে উৎপাত করানিয়ে মহারাজারাং হাবি মানুয়ে আপত্তি দিলা। ঔপেইত যুবরাজ রাজ্যরমা ঢোল বারেয়া প্রচার করল - “যেগোয় বাঘগো মারে পারতয়, ঔগরাং মোর খোইবীয়ে দান করতউ” শেষ পর্য্যন্ত খাস্তা তার বীরত্বর পরিচয় দিয়া বাঘগো মারল। খাংনাত খাস্তারাং উপহারস্বরূপ

থোইবীৰে দান কৰল। হাৰৌৰ সীমা নেই - “সুমল মৈৰাঙৰ দৰিগাছ
সিৰতটু না সিৰেৰ।”

টোজেডি - বিধাতাৰ নিষ্ঠুৰ পৰিহাস খাম্বা-থোইবীৰ মধুৰ মিলন
নিয়াম দিন না টিকিল। তানু দ্বিগিৰ মিলন বস বিয়োগান্ত নাটকে
পৰিণত অনা অকৰল। থোইবীৰে সঠিক ধৰ্ম্মপত্নীগো কিনা পরীক্ষা কৰা-
নিৰকা খাম্বা আকদিন ৰাতি নঙেইত থোইবী ঘুমজেসে তানজাউগত বেনেয়া
গেলগা। বাৰাদে গিয়া ছলনা কৰিয়া খাম্বায় থোইবীৰে খাং দেনা অকৰল।
থোইবী আগ পিছ না খাল কৰিয়া খাম্বায় থমে বাঠিগো চৰগো বুলিয়া
উৱা দিতে খাম্বাৰ বুকগোত লাগিয়া খাম্বা ‘থোইবী’ বুলিয়া মাটিত
পড়িল। থোইবী ছনিয়া দাব দিয়া নিকুলিয়া চেইৰী - খাম্বা মাটিত
পড়িয়া আছে। লগে লগে থোইবী বাঠিগো কৰিয়া নিজৰ বুকগোত
নিজে বিদেয়া স্বামীৰ লগে সহমৰণ বৰণ কৰলী।

খাম্বা থোইবীৰ য়াৰীহানতে এপেইত লমইল। কিন্তু তানুৰাতো
আমি কি শিক্ষাহান পেইলাং? তানুৰ কিহান ঐতিহ্যহান? অৰ্থাৎ দিক
আহানলো কিসাদে তানুৰ শিল্পকলা ওতা জাতীয় ঐতিহ্যৰ ধাৰক বাহক
অনা পাৱেৰ?

উত্তৰহান সহজ। বিখ্যাত ঐতিহাসিক আৰ, এম, নাথ গিৰকে তাৰ
“Background of the Assamese Culture” লেখিকহানাত ৮৯
পৃষ্ঠাৰমা খাম্বা-থোইবী সম্পৰ্কে ইকৰেছে - “The Pathetic love
episode of Khamba and Thoibi forms the subject
matter of Popular ballads in Manipur and the dresses
of the heroic lovers are still preserved as a sacred
relic in Mairag.”

গজৰ ইকৰা এহানাত আমি হাৰপেয়াৰ - থোইবী দেবতুল্য গিধানকগো
থকয়া প্রেমময় জীবনহান উৎসৰ্গ কৰিয়া সহ-মৰণ হিসাবে মণিপুর মালেমে
বেয়াপাৰ মুঙে সতীত্ব ধৰ্ম্মৰ আদৰ্শ প্রচার কৰেছে। বাৰো খাম্বা আৰ্য্য
ক্ষত্ৰিয় সুমল ৰাজপুত্ৰগো থকয়া পিঠিয়েদে আলনি নুয়াৱেৰ। তাৰ বীৰ

বিক্রম শৌধ্য বীথ্যার পরিচয় দেছে।

চিত্র-শিল্প — খাস্তা থোইবীর শিল্পকলার নিদর্শন সমাজের মুণ্ডে নিয়াম পারা আছে। থোইবী নিজে হস্তশিল্পে পারদর্শী। থোইবী নিজে তুলকুতি ফুল দিয়া ললকরিয়া পিড়েছে। বেয়াপা হাবিয়ে ঔতা হিকিয়া মণিপুরর বাজারে ঔতা বেছিয়া আত্মনির্ভরশীলতার পরিচয় দেছি। বর্তমানে ঔতা আমার সমাজে প্রচলিত। বারো কুস্তি খেলানি, পলো খেলানি বা লাংচেল খেলানি (বর্তমান ক্রিকেট বারো রেসলিং) এতা দশম শতাব্দীতে অর্থাৎ বহু আগে খাস্তায় প্রচলন করিয়া জাতীয় কৃষ্টি হিসাবে প্রমাণ করেছে।

আরাকৌ ডাঙর দিক আহান অইলতায় — থোইবীরে ক্ষুদ্রলপোকপা বা কুলদেবতা গিরকরে পুন্নিং হানলো হমা দেনার ফলে খাস্তারে স্বামীগো হিসাবে বরণ করল। এহান কিয়াকা? কারণ কুলদেবতা বা আপোকপা গিরকরে নিং করিয়া হমা দিলে বেয়াপার আশা - আকাঙ্ক্ষা পূরণ অর বারো বংশর জীবুন্নি অর। এহান জাতর ডাঙর ঐতিহ্য আহান। বারো ফুবালা গাওহানর ভিতরে (লকতাকর পশ্চিম পারে) যে থোইনাং জার আছে - ঔতার খাস্তা থোইবী স্মৃতিচিহ্ন স্বরূপ সাক্ষীগো।

কিন্তু ছুখর বিষয় — আজি পেয়া আমি খাস্তা থোইবীর ঐতিহ্য পুরাপুরি তুলিয়া সমাজর মুণ্ডে না দেছয়াছি। হুদা বেয়াপার আতর কাম, বারো খেলা দেছয়েইলে লমনার। খাস্তা থোইবীর অনুকরণে মৈতেয় সম্প্রদায় “লাই-হারউবা” দেছয়েইতার। কিন্তু আমারতা? কিস্তাউ নেই। অর্থাৎ ঔসাদে আমি এবুবা কিস্তাউ করে নুয়ারেছি। তা থকয়া খাস্তা থোইবীর সম্পর্কে নাটক ইকরানি থক, তানুর চিত্রশিল্প নিংশিঙে এলা, নাছা, কবিতা লেংকরিয়া নিকালানি থক, সংক্ষেপে তানুর কারুকার্য দেছয়ানি থক। নতুবা জাতীয় কৃষ্টি-কলা তথা ঐতিহ্যর অভাবখানি অর বুলিয়া নিংকরিয়ার।

আপকৃপা পূজার প্রচলন

১। ভূমিকা :—

আপকৃপা পূজার প্রচলন কুম্বাকান্ত সমাজে ; কিসদে করিয়া আপকৃপা পূজার প্রচলন অকরেছি বা আমার বপাবপি হো খাইনাকার মণিপুৰে খাইতে আপকৃপা পূজা করেছিল। কিনা, এতা হাবি য্যারী হারপানি থক। কিসা বুল্লেতে আমার সমাজর জাতীয় সংস্কৃতি বারহ কৃষ্টিকলার ঐতিহ্যর দিক আহান অইলতায় আপকৃপা পূজা।

আপকৃপা শব্দ এগর ব্যুৎপত্তি গত অর্থ হিসাবে পেয়ারতাই= আ + পোকপা। “আ” মানে আদি যুগ ; পোকপা মানে জরম অনা। এহান মৈত্বেয় শব্দহান। তাইলে আপোকপা মানে আদি যুগে যোগো জরম আছে বা জারগোন্ত আছে বুল্লে অর্থহান পরিষ্কার নাহ। তা থকয়া প্রত্যেক লকেইর বা বংশর অকবাগোন্ত যোগো পয়লা জরম আছে ও আদি পুরুষ উগই আপোকপা। অর্থাৎ কুলদেবতা (Family God)। ঔগোই বংশর পয়লা আজাগো বা পিপাগো বুলিয়া মাতিয়ার। প্রত্যেক লকেইর আদি পুরুষ উগো এবাকা নেই, মরিয়া দ্যোগ অইল বুলিয়া ঔগোই আপোকপা বুলিয়া নিংকরিয়ার।

২। ঐতিহাসিক বা পৌরাণিক ভিত্তি :— বিভিন্ন পণ্ডিতবর্গ তথা জ্ঞানী বারহ শিক্ষাবিদ কতগোর মতামতহান অইলতায় — আপকৃপা এগো পাহাংপার পুতক বারহ মহাদেব গিরকর স্বরূপ বা প্রকাশ আহান। আর আর জ্ঞানী গুণীজনর মতহান অইলতায়— আপকৃপা এগো অগ্নিদেব (ব্রহ্মা) বারহ সূর্যদেব (বেলিরাজা) গিরক দ্বিয়োগির স্বরূপ বা প্রকাশ হান অইলতায় আপোকপা। হান্তে আপোকপা গিরক এগো পাহাংপার পুতক বা মহাদেবর প্রকাশ আহানউ বুলিক অথবা অগ্নিদেব বা সূর্যদেবর প্রকাশ হানউ বুলিক, য্যারীহান আকহান। কিসা বুল্লেতে মহাদেবর রুদ্রমূর্তি বা অগ্নাত্ম স্বরূপর প্রকাশ নিংকরিয়া মণিপুৰে আমার বপাবপিয়ে এরে আপোকপা > আপকৃপা পূজার প্রচলন এহান অকরেছিহান। এহান আজিকারহান নাগয়।

আপকপা গিরকর মূলগো অসেতায় আতিয়া গিরক (বেলি-
রাজা গিরক)। এহান ইতিহাস গবেষণাবিদ ডব্লুউ য়ুমজাউ সিংহ
গিরকেউ সমর্থন করেছেহান। আদিত্য > আতিয়া; আক প্রত্যয় যোগ
করিয়া আছে হান। আতিয়া এহান বেলিগিরকর নাং আহান।

আরাক চিন্তাধারা আহান অইলতায়— ভারতবর্ষ তথা বিশ্ব
মত সূৰ্যমন্দির এতা পূৰ্বমুখী থকয়া আপকপা গিরকর ঘরগউ আমারতা
পূৰ্বমুখী। অৰ্থাৎ ভিটাঙ্গার মুঙবারাদে ঘরশো আগো দিয়া থইতারা
হান্তে আপকপা এগো বেলি গিরক বা অগ্নিদেব বুলিয়া আরাক তুলনা
মূলক প্রমাণ আহান পৰিষ্কার পেয়ার।

যেতাউ অক জাতর প্রত্যেক বংশর মানুয়ে আপকপা গিরকরে
মুঙেদে থয়া বেলিমুঙ দিয়া হমাদিতে লগে আপকপারেউ হমাদিতারা।
ছৌ-ছুমাৰা এতা আপকপা গিরকে দেৱগোনা বুলিয়া আমারতা প্রায়
মানুয়ে নিংকরতারা। বেলিগিরক বা অগ্নিদেবর শক্তি স্বৰূপর প্রকাশ
আহান বুলিয়াউ অনেকে নিংকরতারা। কিন্তু গিরকর ভক্তুমকর মূৰ্ত্তি বা
ৰূপ নেই। গিরক উগরে নিৰাকার ৰূপলো বংশর দ্যোগ নিঙে আমি
ভক্তি করিয়ার।

জাৱর পৰকার সময়ত অৰ্থাৎ পৌষমাহাৰমা নতুবা গৱমর
সময়ত অৰ্থাৎ বসন্ত ঋতুত [ফাল্গুন - বৈশাখ মাহা] আপোকপা পূজা
করতারা। এহান ডাঙর জাতীয় উৎসব আহান, যেহান আৰ্য সংস্কৃতিৰ
ধাৱক বাহক। কাৰণ জি এগো বা অগ্নিদেব আৰ্য মানুৱৰ উপাস্য
দেবতা। মহাপ্ৰভুৰ চৈতন্যদেবৰ জন্মদিনে ফাল্গুনী পূৰ্ণিমা তিথিত জৱমগো
লাগাদিয়া আমাৰতা বা হিন্দু মাত্ৰেই যেসাদে দোল-পূৰ্ণিমা উৎসব
পালন করতারা; ঠিক ঔসাদে ইউৰোপ মহাদেশৰ জাৰ্মানী, ফ্ৰান্স,
জাপান, নৰওয়ে, সুইডেন, স্পেইন ইত্যাদি দেশৰমা বসন্তকালে জি-উৎসব
করতারা। জাপানে এৱে উৎসব এহানৰে “মেজি” বুলিয়া মাততারা।

মণিপুৰৰমা হো থাইনাকার আমলে আমাৰ বপাবপিয়ে [ফুমল,
আঙম, মৈৱাঙ, লোয়াং ইত্যাদি বংশৰ মানুৱে] আপকপা পূজা করেছি।

তা থকয়া গিরক এগো লকেইর প্রধান দৌগ বা বংশর আদি পুরুষ
পিপাগো বুলিয়া নাঙ আকেইহান থছি, যহান খাংনাত তালিকাহান
হিসাবে ফংকরানি অইল—

| বংশ | মূলপিপাগোর নাং |
|---------------|----------------------------|
| ১] ক্ষুমল | খাংনালের বা ক্ষুমল পোকপা। |
| ২] লোয়াং | পুইরেশ্বা বা লোয়াং পোকপা। |
| ৩] মৈরাঙ | ডারেং বা মৈরাঙ পোকপা। |
| ৪] খাবাঙালবা | খামচিন। |
| ৫] চিংলেই | নুঙাওয়ুম। |

এসাদে করে প্রত্যেক বংশর মানুয়ে ভিটাগোর মুঙেদে ঘরশৌ
আগ দিয়া নাইলে বারগগর ভিতরে প্রতীক শিলগো ঝাপি আগলো
থয়াউ ভক্তি করতারা আপকপা গিরকরে। পর্বহান হিসাবে উত্তরায়ণর
ভিতরে প্রত্যেক বছর নিদিষ্ট তারিখ, তিথি, মাহা দিন খেল চেয়া
আপকপা পূজা করিয়া ভাব ভক্তিলো হমা দিতারা।

৩। আপকপা পূজার নিয়ম বা বিধিবিধান :— আমার সমাজে
প্রত্যেকে নিজর নিজর বংশর আজাগো বা পিপাগো নিঙে আপকপা
পূজা করতারা। আপকপা গিরক [বিশেষ করিয়া সরারেল গিরকর
ক্ষেত্ররমা] প্রতীক মূর্তিগো নাগয়। প্রতীক চিহ্ন হিসাবে ব্যবহার কর-
তারাতায় ফুঁতির তুপ বেরা ছরু কুক দ্বি-চিলারমা অর্থাৎ কোন কোন
ক্ষেত্রে কুকর খরম আকজোড়া বারো তুপ ছহান টাং শৌ আগো
বা ঝাপিশৌ আগর ভিতরে ছরকাং গিলাসে ছগোয় কিতায় অইতারা।
এরে কুক দ্বিয়োচিলা বা খরম জোড়া এহান অইলতায় আপকপা গিরকর
আগো বারহ বেয়ক বা গৃহিনী কোন কোন মতান্তরে এবং মাটি গিথান-
করৌ খেরিশৌ আর্গ হিসাবে থয়া নিংকরতারা। বারহ সরারেল গিরকর
চুল, কই, গারিগো বজ্জ সমতুল্য বা বেলির বর্ণহান। কোন কোন সময়
ইন্দ্র অলয়া বজ্জহান অর্থাৎ দিনহান গুজরে গুজরে পৃথিবী ইমার বুক
বরণ বেলাদের বুলিয়া মণিপুৰে আমার বেয়াপায় বরণ নাদিয়া ক্ষেতি

নানার ফলে এলা দেখিলা—

“ক্ষুমেলে মাটি ভুকেইলো, সবাবলেতে রাজারে চিংখই বরণ দে
জৌরাজা”। পুঙউ কইলো :

এহানে অ-মার আপকপা এগোতে সরবেরল গিরক এনা বুলিয় মতিয়ার
উহান, মণিপুৰে হো থাইনাকার ইন্দ্র উপাসনায় প্রমাণ সাপেক্ষহান।

৪) উপকরণ :—যে বংশর মানু লাম খুলিয়া পয়লা গাছ বিক্কর
তলে ঘর করেছি ঔপেইত ঔ লাম উহানর লাম লেইমা বা মাটি
গিথানকরে হমা দিয়া ফল ফুল (এইরা পানা) ধূপ, বর্তি বারো
কাচা শজী, মাছ এতালো পূজা করেছি। মাইবা-মাইবীর মাহেই (মন্ত্ৰ)
সলকরিয়া মনে মনে ভক্তির ভাবলো বংশর দ্যোগ নিঙে ভক্তি কাতকরিয়া
মাত্তারা-“হে আজা গিরক। আমি বিপদে না পড়িক, নূরারা পানি
নাইক, তোর সান্ত্বিক বা লাইক এতা (বংশাবলী) পুষ্টি পালয়া থাকা”।
বারো মন্ত্ৰ সলকরিয়া মাত্তারা-“তোর পিয়ক। তি লো”। অর্থাৎ-
(হবা নেই নূররাপানি এতা নেগা)। এহান আহিত মেনজং নুকুল্লেউ
মাতিগা মেরুক বা কাঠিলো মন্ত্ৰয়েয়া মাত্তারা। অনেক শৌ শুমাৰা
নাছি গিরিগিথানী দারা-সেস্তাল পানারকা আপকপা পূজা করিয়া বর
মাগতারা। অনেকে মাদানে সাকেইর ভিতরে হমা দিয়া লুকা কাতকরিয়া
রাতি উৎসব করতারা।

আপকপা পূজা করতে লুক তিনহান কলার পাতা লাতলে দিতারা।
লগে উপকরণ হিসাবে চউল, হউপাত, কাচা চেং, পরম, এইরা - পানা
এতা দিতারা। লগে মাটি গিথানকর লুক উহানাত চউল হউপাত
বারো পুঠি মাছ এতাউ দিতারা। লগে ফুল, লাংঠারেইর ডেম এতাউ
দিতারা। কলার পাতা লাতল আগত খেই করিয়া আপকপা গিরকর
খরম জোড়া, বারো ফুতির তুপ থয়া ঔতারমা ফুল তুলসী পয়সা হাবি
দিয়া সাকেইর মানু এ ভাব ভক্তি বিনিময় করতারা। উতার থাংনাত
বারণগত সেনামাহির লুক আহান (লক্ষ্মী গিথানকর ভাণ্ডার গো) বারো
ফুংকাহানার কাদাত লুক আহান বারো (অগ্নিদেব বা ব্রহ্মা গিরক সাক্ষী
থয়া) বারো যাত্রাগোর কাদাত আরাক লুক আহান খবর মাপু আগো

হিসাবে, এর খাংনাত ঘরর বদাগত আরাক লুক আহান দিতারা। কারণ বদা এগোরে পাহাঙপা গিরক নিকরতারা ; যোগো সেনামাহির বেয়ক। উতার, খাংনাত তুলসী পুঙে আরাক লুক আহান ভগবান বিষ্ণুর নিঙে কাত করতারা। এরে লুক এতাত কিন্তু কোন মাছ কিতা নাদতারা, ছুদা ফল.- এইরা পানা ধূপ বর্তি কাতকরিয়া হমা দিতারা। এসাদে করে আপকপা পূজার উপকরণ বিধি হাতহান দ্যোর লুক দিতারা। এসাদে করে পূজা করিয়া বর্তি কিতা নিভলে হমা দিয়া ত্রইপাত উতা বাটিয়া সাকেইর ভিতরে খেইতারা।

বারো আপোকপা পূজার লুক তিনহান উতা বর্তি নিভলে হমা দিয়া আনিয়া লেইরাং পূজা কিতা করিয়া সাকেইর জেঠাজেঠি বেইবুনি উতার আপোকপার টুপিগো আলাদা করে জিগো বরেয়া ভাত রাধতারা। লগে আর আর টুপিতে ভাত কিতা মাছ হউপাতলো রাধিয়া লমকরিয়া পিছেদে ঘরর ভিটার মুঙে তিনজোড়ার পথে ভাত-হৌ বারো মাছর কাটা কিতালো আপকপা গিরকরে ভেট দিয়া হমা দিয়া পিছেদে সাকেই হাবিয়ে তিলয়া প্রসাদ লককরতারা। সাকেইর ভিতরে এরে আনন্দ এহান জাতর ডাঙর বৈশিষ্ট্য আহান।

৫। আপকপা পূজার তিথি :- তন্ত্রমতে বারহ হো খাইনাকার মণি-পুরর মাইবা-মাইবীর (মেইপারেল) য়ারী কিতাও আপকপা পূজার বার তিথি, মাহা সম্পর্কে হারপানির অনেক জিনিষ আছে। আমার বেয়াপা যেতা মণিপুর লাম বেলেয়া কাছাড়, সিলেট, ত্রিপুরাদে আইলা, তানু সংগ্রহ করিয়া আনেছিল। মন্ত্র ওতা তিথি হিসাবে মৈতেয় ভাষা, কারণ আমার ঠারলো ওপেইত কোন তন্ত্র মন্ত্র সাধন নাছে। ওহানলো আপকপা পূজা করতে পৌষ মাহাত, নাইলে ফাল্গুন বৈশাখ মাহার তিথি খেল-তামে কৃষ্ণপক্ষ-শুক্লপক্ষ ধরিয়া করতারা যেহানর নমুনাহান খাংনাত ফং-করানি অইল-

শুক্ল পক্ষ -

কৃষ্ণপক্ষ -

১। লাই চাই (জৌ খানা)

২। ষণ চাই (গুরু খানা)

| | |
|--------------------------|---------------------------|
| ২। য়েন চাই (মুরগ খানা) | ২। ইরই চাই (মইষ খানা) |
| ৩। ডানু চাই (আচ খানা) | ৩। শাগোন চাই (গড়া খানা) |
| ৪। ভুই চাই (কুকুর খানা) | ৪। শামু চাই (আতী খানা) |
| ৫। অক্ চাই (ছঅর খানা) | ৫। মি চাই (মানু খানা) |
| ৬। যণ চাই (গুরু খানা) | ৬। লাই চাই (ছৌ খানা) |
| ৭। ইরই চাই (মইষ খানা) | ৭। য়েন চাই (মুরগ খানা) |
| ৮। শাগোন চাই (গড়া খানা) | ৮। ডানু চাই (আচ খানা) |
| ৯। শামু চাই (আতী খানা) | ৯। ভুই চাই (কুকুর খানা) |
| ১০। মি চাই (মানু খানা) | ১০। অক চাই (ছঅর খানা) |
| ১১। লাই চাই (ছৌ খানা) | ১১। যণ চাই (গুরু খানা) |
| ১২। য়েন চাই (মুরগ খানা) | ১২। ইরই চাই (মইষ খানা) |
| ১৩। ডানু চাই (আচ খানা) | ১৩। শাগোন চাই (গড়া খানা) |
| ১৪। ভুই চাই (কুকুর খানা) | ১৪। শামু চাই (আতী খানা) |
| ১৫। অক চাই (ছঅর খানা) | ১৫। মি চাই (মানু খানা) |

[যেগো - ১৯৩২ ইংরেজীর রাধানগর বিরাট সভার সদস্যগণ] গজে ইকরা তালিকা মতে জ্ঞাতব্য বিষয় হান অইলতার শুক্রপক্ষর তিথিত ১ নম্বরেস্ত ১৫ নম্বর পেয়া প্রতিপদেস্ত পুণিমা পেয়া। এহানাত ২য়া, ৩য়া, ৫মী, ছাদশী, ত্রয়োদশী শুক্রপক্ষর তিথিত আপকপা পূজা করলে হবা। যে তিথির খেলতামে যেতা খাও ইকরেছি, ওতা দোষাদোষ চেয়া আপকপা পূজা করতারা। বারো বার হিসাবে সোমবার, শুক্রবার, রবিবার এতাত পূজা করতারা।

৬) উপসংহার = আপকপা পূজার প্রচলন আমার সমাজে ডাঙর জাতীয় বৈশিষ্ট্যর দিক আহান। এহান সামাজিক বছরকী উৎসব হান হিসাবে পালন করতারা। এরে পূজার প্রচলন মণিপুরে ছাদশ শতাব্দীর আগেস্তু চলেছিল বুলিয়া মনে অর। মৈতেয় সমাজে এরে পূজার প্রচলন নেই। অক তানুরতা লাই খুরুশা বুলিয়া পূজা আহান করতারা। যেতাউ আমারতা পূজার প্রতি এরে বিশ্বাস জবর। আপকপা গিরকরাং লালইলে বিপদ বা নুররাপানি জবর বুলিয়া বিশ্বাস করতারা। এহান

অমার লোক সংস্কৃতির ছৌ ছুৰুৰ প্ৰতি বিশ্বাসৰ ডাঙৰ ঐতিহ্য আহাম।
বৈষ্ণৱ ধৰ্মে আমাৰতা দীক্ষিত অনাৰ পৰে আমাৰতা মাংসৰ পৰিবৰ্তে
মাছলো পূজা কৰতারা বিশেষ কৰিয়া কুল দেবতাবে সন্তুষ্ট কৰানিৰক।
এহানেই জাতৰ ডাঙৰ ঐতিহ্যহান।

তথ্যপঞ্জী:—

- ১) “পাঞ্চজন্ম অঙ্কুৰী ৬ষ্ঠ সংকলন বারো কাণ্ড পত্ৰিকা” - ১৯৬৩ ইং
- ২) পণ্ডিত নবধেন্দ্ৰ সিংহৰ “কুমল-পুৰাণ”- অনুবাদক- নবদ্বীপ সিংহ,
আগৰতলা।
- ৩) “History of Far East”
- ৪) ৩মহেন্দ্ৰ কুমাৰ সিংহ গিৰকৰ “মণিপুৰৰ প্ৰাচীন ইতিহাস” ১ম খণ্ড।
- ৫) ৩সার্বভৌম চাটাজী, কৃষ্ণনগৰ, ছল্লভছড়া গিৰকৰ কৰপেকেন্ত
(যেগো ১৯৩২ ইং আগৰতলা, রাধানগৰ বিৰাট সভাৰ পৃষ্ঠ পোষকগো)।



সাধুবাবা বারো গীতিস্বামীৰ আদৰ্শ

গজে ইকরা মহাপুরুষ দ্বিয়োগিৰ আদৰ্শ আলোচনা কৰেগা অনেক ভুল-ভ্ৰান্তিৰ সম্ভাবনা। উতা চুমকৰে দিয়া পাকৰানি ভাৰহান দশ গিৰি-গিথানীৰাং থাইল।

আদৰ্শ বুলতে পয়লা আহেৰতাই তাৰ সংজ্ঞাহান কিহান অৰ্থাৎ What is idealism? মনোবিজ্ঞানে মাতেরতায়- “Idealism is the faculty of creating an idea that fit for a model.” অৰ্থাৎ কোন চিন্তা বা ধারণা শক্তি আহানৰে বাস্তবে তুলিয়া ধৰে পারলে উহানৰে আদৰ্শ বা আদৰ্শবাদ বুলতারা যেসাদে ভগবান বুদ্ধৰ আদৰ্শ, মহাত্মা গান্ধীৰ আদৰ্শ ইত্যাদি।

গজৰ দ্বিয়োগিৰে আমাৰ সমাজৰ মহাপুরুষ আকেইগো বুলানি যাকৰেৰ। কাৰণ জাতহানৰ ধৰ্মৰ বিষয়ে সাধুবাবা নিঃসন্দেহে মহাপুরুষগো বারো গীতিস্বামী গিৰক জাতহান হজাক কৰানিৰকা নিঃসন্দেহে আৰাক মহাপুরুষ আগো।

তানুৰ আদৰ্শ উতা কিসাদে সমাজে বিস্তাৰ লাভ কৰেছে বারো কিতা কিতা তানুৰ আদৰ্শ, উতা এখুৰুম সংক্ষেপে আলোচনা কৰিক।

সাধুবাবাৰ আদৰ্শ খালকৰতে গেলেগা অসীম। কাৰণ কনাক কালেও পুৰি সাধুবাবাৰ মনোজগতে ভগবান শ্ৰীকৃষ্ণৰ চরণসেবা পানার খোঁৱাও পানি টাটিৰ সাদনে জবৰ অছিল। গিৰকে খালকৰল' যে কলিযুগ এহানাত সংসাৰৰ দুঃখ-দুৰ্দশা, পাপ এতা হাঁবিও মুক্তি পেইতে গেলেগা হৰিনামই একমাত্র পথগো। “ষোল নাম-বত্ৰিশ অক্ষর” সাধুবাবাৰ আন্তৰিক পাথৈয়গো অছিল। উৰে পথ উগৰ মাতুম ইলয়া সাধুবাবায় সংস্কৃত ব্যাকৰণ কিতা পাকৰিয়া জ্ঞান লাভ কৰলো। বারো উৰে জ্ঞানৰ বশবৰ্তী অয়া তীৰ্থ পৰিক্রমা কিতা কৰিয়া কঠোৰ সাধনাত থেঙইল। ফলে নিঃসন্দেহে ললিতাৰ ব্ৰজগোয়ালিনীৰ বেশে স্বয়ং রাধাৰাণীৰ কুপালো সাধুবাবা ভগবৎ লাভ কৰেছিল। উতাৰ পিছেদে নবদ্বীপে মহাপ্ৰভুৰ বারো পুৰীৰমা জগন্নাথ প্ৰভুৰ মিল্লং পাছিল। হস্তমুউ মাততে গেলেগা আধুনিক যুগে শ্ৰীশ্ৰী ৰামকৃষ্ণ পৰম হংসদেবৰ পিছেদে সাধনাত সিদ্ধি-

লাভ করেছিল গিরকগো অইলতার শ্রীশ্রী ভুবনেশ্বর সাধুঠাকুর।

বৈজ্ঞানিক দৃষ্টিভঙ্গীলো বা বৈপ্লবিক যুগ এহানাং সাধুবাবার আদর্শ বা ধর্মীয় মনোভাব এহান প্রযোজ্য নাইলেউ উরে সময়র ধর্মীয় বৈপ্লবিক জগতে অতি উচ্চ-স্থান পাছিল। মহাত্মা গান্ধীর সাদে আমি সাধুবাবাং অহিংস নীতির পরিচয় পেয়ার। তার ভক্তিমতার পরিচয়-কৃত্রিয় ধর্মানুগত দেবার্চনা, সন্ধ্যা-আরতি, ভজনশিক্ষা, একাদশী ব্রত পালন ইত্যাদি। উবাকা অগ্র সম্প্রদায়র মানুয়ে হারপাছিল। যে কৃত্রিয় বংশোদ্ভব বিষ্ণু-প্রিয়া মণিপুরী কুল-তিলক বৈষ্ণবাগ্রী ভুবনেশ্বর সাধুঠাকুর পরম পুরুষ আগো, যেগর ধর্মীয় মনোভাবর ভিতর দিয়া জাতীয় আদর্শ তথা ঐতিহ্য ফুটিয়া উঠেছে। উরে সময়ত গিরকরে সাধুবাবা বুলিয়া হাবিহানে ডাকলা।

উতার গজে আরাকৌ আচানক আহান অইলতায় ১৯৩১ ইংরেজীরমা বৃটিশ সরকারে ভারতর প্রত্যেক প্রদেশ গভর্ণর শাসনাধীন করল (১৯১৯ ইংরেজীর আইনর মাতুং ইলয়া) উরে সময়ত বৃটিশ সরকারে “Frenchise Committee” র নোটিশলো মণিপুরী এতারে tribal সম্প্রদায়রমা লিপিভুক্ত করানিরকা লেপকরলে উরে সময়কার বিষ্ণুপ্রিয়া মণিপুরী গিরি-গিথানীয়ে জোরদার প্রতিবাদ করলা, ফলে সরকার গিরকে মণিপুরী এতারে tribal করানির পরিবর্তে বর্ণহিন্দু বুলিয়া গ্রহণ করলা। উরে সময়ত ৫৪ বৎসর বয়সে সাধুবাবা নবদ্বীপরমা গোবিন্দজী গিরকর সেবাত বিভূলা অছিল। পরে সাধুবাবায় তার ভক্তবৃন্দ হাবিরেলো গোবিন্দজীর মন্দিরগো হংকরল। ঔপেইত বঙ্গদেশর গভর্ণর সাহেব গিরকে বাধা দেনা সবেও নুয়ারলো। সাধুবাবায় তার ধর্মীয় আদর্শর মাতুং ইলয়া আমি কৃত্রিয় বংশোদ্ভব বর্ণহিন্দু এহান প্রমাণ করে দিল। অগ্র সমাজর মুণ্ডে এহান আমার ডাঙর জাতীয় আদর্শহান। এবাকা তীর্থ পরিক্রমাত বুলিয়া যিতেগা আমার মানু গোবিন্দজীর আধরারমা নিংখা বেলতারাগা, এহান আমার জাতীয় গৌরবর ডাঙর পরিচয়হান।

একির আহিক গীতিস্বামী গিরকর আদর্শত।

ধর্মীয় দৃষ্টিভঙ্গীলো আদর্শ নেইঅইলেউ অগ্রদিক আহানে গিরকর আদর্শ সমাজে বিস্তার লাভ করেছে এহানাত কোন সন্দেহ নেই। গীতিস্বামী

গিরক এমন সময়ত আবিভাব অইল যে সময়ত কাল-প্রগলভিনী উন-
বিংশ শতাব্দী বিদায় নেনার লগে লগে বিংশ শতাব্দী আয়া ওকরানির
সময়হান। বারো বিপ্লবর স্তর অতীতর বৈপ্লবিক ঘটনা উতারে নিংশিং
আরতি দিয়া কাকেই কাৰে কাৰে পঞ্চম স্বরে সুর মিলেয়া আহের
সময়হান। হৌদিন ধুম-কেতুগোর সাদে জাতর তথা সমাজর মুণ্ডে
আয়া নিকলিল গকুল গিরক।

ছনীতিপরাযণ শাসকর কু-চক্রান্তে নিজর ভিটা মাটি এরে দিয়া
লোয়া-ডেঙা, রাজ্য হারা, চেই 'চেই নাংহান অয়া ব্রহ্মদেশ, কাছাড়,
ত্রিপুরা, ভানুগাছ ইত্যাদি হাবি ফামে ঠাং ঠাং অইলা পঞ্চ-বিষ্ণুজাতি।

“মিল নেই এপারর লগে হোপারর

তিল নেই কোন দ্বিষোপারর।”

এসাদে করে মণিপুর ইমার মাটি বেলেয়া সিলনির পরে আহিল নব-
জাগরণ দাতা গকুল গিরক। গিরকে ভারতর নবজাগরণ দাতা রাজা
রামমোহন রায়র সাদে খালকরল' যে পঞ্চ-বিষ্ণুপ্রিয়াৰ ভিতরে ঐক্যর
কোন চিহ্ন নেই, জাতীয় চেতনাৰ কোন বিকাশ নেই। কঠোর সাধনাৰ
ভিতরে গিরকে পথগো খালকরিয়া নিকাললো যে এলাৰ মাধ্যমে জাতীয়
জাগরণ করানি লাগতয়। প্রমাণ স্বরূপ গিরকে এলা দিয়া মাতল,
“গকুল কওয়াই কা, কা বুলিয়া রহানি।” স্মৃতরাং গিরকরে বঙ্গদেশর
কবি কঙ্কন মুকুন্দরামর লগে পালতামনা দেনা য়াকরের।

গিরকে ডাঙর চিন্তালো এলামাহি লেংকরিয়া বাস্তবে রূপায়িত করল'।
খানা-পিনা পাহুরিয়া, অনেক ছুঃখ-কষ্ট সহ্য করিয়া গাঙে-গাঙে দেশে-দেশে
এলা দিয়া বুললগা। ঔপেইত জাতহান খানি হজাক অইলা। যদিও
উরে এলা উতার পূর্ণ বিকাশ সাধন নাছে, অর্থাৎ আমি ইমার সন্মান
রক্ষা করানিরকা বুলিয়া সম্পূর্ণ মানবিক অধিকার নাপাছি, তবুও জাতর
জাগরণ, এপারর লগে হোপারর সংস্পর্শ', রকতর টান-এতাহাবি হারপুরা
দেনার পথগো গকুল গিরকে ইলকরে দিল-এহান অনস্বীকার্য। এহান

গিরকর ডাঙর আদর্শহান। এলার মাধ্যমে জাতহান হজাক অইলা বুলিয়া
গিরকে গীতিস্বামী উপাধি পেইল।

মহাপুরুষ দ্বিযোগির আদর্শলো আমি এবাকা মাতে পারিয়ার
যে আর আর সমাজ বা সম্প্রদায়র মহাপুরুষর সাদনে আমারতাউ
মহাপুরুষ আছি। এহানেই জাতীয় আদর্শহান। মহাপুরুষ দ্বিযোগিরে
সমাজে এসাদে মাতানি থক— “Gitiswami Gakulananda is the
pioneer of modern Bishnupriya Manipuri Renaissance”
where as sachhubaba Bhubaneswar is the saviour of
Gauriya Vaishnavis of that Renaissance.”

লমইতেগা গীতিস্বামী গিরকর জাতীয় জাগরণর এলা নিংশিং অয়া
মাতিক্

“বর দেই, বর দেই, গিরিগিথানী।

আজিত্ত অকরিক ইমার সন্মান রক্ষা করানি”।

বারো সাধুবাবারে নিংশিং অয়া মাতিক্

“হে সাধুবাবা!

ইচুদিন তোরে পাহরেছিলাং,

অন্ধকারে আজি নিংশিং অইলাং।

ডাহিয়ার আমি, হমা ল’দে,

পঞ্চবিয়ুৱে পহর করেদে।”



দুর্গাপূজা বারহ আমার মানুর ভাবধারা

“যা দেবী সর্বভূতেষু ধর্মরূপেন সংস্থিতা

নমস্তস্যৈ নমস্তস্যৈ নমস্তস্যৈ নমোহ নমোঃ।”

পয়লা ইমা দুর্গার চরণে মোর হমা কাতকরিয়া ইমার পূজার নিয়মনীতি খানি কিসাদে আমার সমাজে প্রচলন আছে, বারহ আমার মানুর ভাবধারা বা দৃষ্টিভঙ্গী কতিহান, এহান আলোচনা করানি মনা-উরি। সংক্ষেপে দুর্গাপূজার গুরুত্ব কিসাদে দিয়ার, ওহান থাংনাত লাতকরানি অইল।

১) পুরাণ তত্ত্বঃ— কৈলাস পর্বতে মহাদেবর লগে দুর্গা ইমা থাইরী। পুরাণ তন্ত্বে দুর্গা শক্তির অধিষ্ঠাত্রী বুলিয়া হারপাছি। ওহানলো দুর্গা মেরাকে কালীরূপে আবিভূতা অইরী। -দৃষ্টান্ত কালিকা পুরাণ।

আরাক পুরাণর য্যারী আহান মতে, প্রভু রামচন্দ্র স্বীয় ধর্ম রক্ষার্থে রাবণরে মারানিরকা দুর্গাপূজার অকাল বোধন করেছিল। এহানর প্রমাণ -বাল্মীকী মুনির রামায়ণে নেই; কিন্তু তুলসীদাসর “রাম-চরিত মানস” বারহ কৃষ্টি বাসর রামায়ণে পেয়ার। পূজার নবমী তিথিরমা রাবণরে রাম প্রভুয়ে দুর্গার বর পেয়া মারেছিল বুলিয়া অত্য়পি রাম নবমী তিথি বুলিয়া প্রচলিত। আরাক পৌরাণিক কাহিনীমতে মালেমর মানু বারহ স্বর্গর দৌ এতা হিনচাপার আক্রমণে থানা নূরারিয়া শক্তির আরাধনা করেছিল। হাকতাকে ইমা দুর্গা বাহনগোর গঞ্জে চড়িয়া মহিষাসুর মারিয়া হিনচাপার লগে লালফাম করিয়া দেবকুল রক্ষা করেছিলী বুলিয়া মহিষমর্দিনী নাঙ প্রচলিত।

২) মণিপুররমা দুর্গার অস্তিত্বঃ— মণিপুরী পুরাণর বিবরণ মতে মহাদেব, দুর্গা অনন্ত, বরাহ বিষ্ণুর আবির্ভাব — এতা হাবি মণিপুর্বে হিন্দুধর্ম এহানরে পাল করেছিল। কিন্তু মণিপুরর প্রাচীন ইতিহাসে পেয়ার যে হিন্দুধর্ম বা আর্ধ্য সভ্যতার আগে অনাধ্য বা দ্রাবিড় জাতি এতায় মণিপুর্বে হরণ, গাছ-বিরূক বারহ হিলর লুমপাকর পূজা করেছিল।

তানুমা কিৰাত (শিকাৰী) জাতি এতায় তিব্বতৰ লামেন্ত মহাদেব, চামুণ্ডা বা মহাদেবীৰ (দুৰ্গা বা কালী) পূজা আনিয়া মণিপুৰে চলাছিল।

কিন্তু ইংৰেজ ঐতিহাসিক T. C. Hudson-ৰ "The Meitheis" লেখিকহানৰ ১০২ পৃষ্ঠাৰমা পেয়াৰতাই— 'By the side of the road from Cachar not more than a mile from Bishenpur (Bishnupur), are two small black stones which are reputed to be Laiphams or places in which abides a "Lai", a being whose exact equivalency is difficult of determination. At Hiayangthang, about six miles distance from Imphal, is a temple of considersble fame, for a here abides the Hindu Goddess Durga, who is known to have avanged an insult to her shrine by causing the death of the sacrilegious" In the course of evidence, it was proved that it had been looted from the Cachar Rajas at the beginning of the 19th. century and passed into the hands of Gambhir Singha.... and in the disturbance of 1891, it was seized by Angousena, relative to the Raja who was banished in the Andamans and who gave it to a Brahmin who sold it to a Bengali.

গজৰ ইকৰা এহানৰ সংক্ষিপ্ত অৰ্থহান হাৰপেয়াৰতাই যে "মণিপুৰৰ বিষ্ণুপুৰে ছগো শিলামূৰ্ত্তি আছে (শিব-পার্বতী)। ঐ মূৰ্ত্তি উতা -বিষ্ণু-মন্দিৰগোৱা কাদাত লেইফাম হানৰ সাদনে আছে। কালৰ বিবৰ্তনৰ ফলে ঐ শিলামূৰ্ত্তি উতা কাছাড়ী রাজাৰাংতো ঊনবিংশ শতকৰ পয়লাবেদে মণিপুৰৰাজ গন্তীৰ সিংহৰ হাকতাকে নেনা অছিল। বাৰহ ১৮৯১ সালৰ অন্তৰ্বিগ্নবৰ সময়ত (টিকেन्द्रজীতৰ বিদ্রোহ) আঙোসেনা গিৰকৰে আন্দা-মান দ্বীপপুঞ্জে প্রায়শ্চিত্ত কৰিয়া দিয়া পেঠেইলা উপেইত ঐ মূৰ্ত্তি উতা

কাদার বঙ্গদেশর বাঙ্গালী আগোরাং বেসেছিল।”

কিন্তু হাডসন সাহেবর এরে মন্তব্য এহানর কোন যুক্তি নেই। কিয়া বুললেতে উনবিংশ শতাব্দীর হাকতাকে মণিপুৰে শিলামূৰ্ত্তিৰ পূজা চল-ছিলহান নাগয় হো থাইনাকার মণিপুৰে এহানর চল আছিল।

বারহ হাডসন গিরকে খানি থাংনাত মাতেছে— “ In Pre-Hindu times, as mentioned in the chronicles the worship of stones (Sib and Durga) perhaps as Leiphams was regularly practised and the luck of the State was symbolized by the great Nongsha (Lion) or animals of the sun which built of masonry to resemble stone guarded the Kangla ” — অর্থাৎ “ হিন্দুধর্মর আগে মণিপুৰে শিবদুৰ্গার উপাসনাৰ প্রচলন আছিল। বারো নংসাগোৰ মূৰ্ত্তি লিপিবদ্ধ আছিল। ”

যদি এহান হাডসন গিরকে স্বীকার কৰে, তাইলে গিরকে কিসাদে মাতেরতা দুৰ্গাৰ মূৰ্ত্তি কাছাড়ী রাজ্যৰাংত নেনা আছিল?

তা থকয়া এহানর কোন যুক্তি আমি না দেহিয়ার। প্রমাণহান ধৰনী সংহিতারমা লিখা আছে —

“অরণ্যং শোভনং দৃষ্টা বিবিধ কুম্ভম যুক্তং
শংকরেণ নিকৃক্তাস্ত্যাদরত্তনগরং নৃপঃ।”

অর্থাৎ মহাদেব গিরকে দুৰ্গাৰ লীলাখেলা মনোভাব হারপেয়া হবা কাম আহান বিছারেয়া লক্তাকর পারেদে আহিছিল। হোতা হোতা ফুলর গদ বারহ বনর লতাপাতার হোতাহান দেহিয়া অরণ্য নগর বা মধ্য মণিপুৰ বুলিয়া প্রমাণ আছে।

আরাকৌ নবখেন্দ্র পণ্ডিত গিরকর লেংকরা খুমল পুরাণে হারপেয়া-রতাই— মণিপুৰর প্রাকৃতিক হবাহান দেহিয়া মহাদেব-দুৰ্গা ক্ষুমল গুরু (আপোক্ষপা) বারহ সরালেলর জিলক নমপকলেইমা পান্থইবী অয়া জরম অছিল।

ঐ ক্ষুমল রাজায় পূজা করানির ফলে দুৰ্গা-মহাদেবর বর-পেয়া ক্ষুমল

রাজ বংশাবলী নিয়ামদিন রাজা পালছিল। তা থকয়া বিষ্ণুপ্রিয়া মণিপুরী এতায় থাইনাকার মণিপুৰে দুৰ্গা মহাদেবৰ পূজা কৰেছিল। তৰে এবা-
কাৰ পূজাৰ সাদনে নাগয়।

আধাকৌ এহানৰ যুক্তিৰ সমর্থনে ইঙ্গিত পেয়াৰতাই একাদশ দ্বাদশ
শতকৰমা খাম্বাৰে মহাদেব বারহ থোইবীৰে দুৰ্গাৰ অবতাব বুলিয়া ঔ সময়-
কাৰ মণিপুৰবাসী হাবিয়ে নিংকৰেছিল। হান্তে-শিব-পার্বতীৰ প্রভাব হো
থাইনাৰ মণিপুৰে আছিল এহানাত কোন সন্দেহ নেই।

হাবিতপুৰি আচানক লাগেরতায় এবুৰ পেয়া আমার বেয়াপা ইমা
ইন্দলে এবেদে এলা দিতারা 'আহরে হমাজি গাছি, চেয়া আহিকগা
মণিপুৰৰ হোভাহান' এসাদে ছনিয়াৰ এলা এতা পুরাণা ঐতিহ্য নেই
অইলে এসাদে না মাতলাইছ।

যেতাউঅক, মহাপ্রভুৰ বৈষ্ণবধৰ্ম মণিপুৰে প্রচলন অনিয়ে হিন্দুধৰ্মৰ
পূৰ্ণসংস্কাৰ অইল। ফলে মণিপুৰে আগেকাৰ পূজা পার্বনৰ খানি পরি-
বৰ্তন অইল। কিন্তু মণিপুৰৰাজ গরীব নওয়াজৰ আমলে বারহ উতার
খাংনাত বিষ্ণুৰ মূৰ্ত্তি বারহ আর আর ছৌৰ মূৰ্ত্তি ধ্বংস অনিয়ে পূজাৰ
চল কম অছিল।

পিছেদে মণিপুৰে গোপীনাথ জীউৰ মন্দিৰ বিগ্রহ বারহ রাধামাধব-
জীউৰ পূজা স্থান পেইল।

৩) আমার মানুৰ ভাবধারা — গরীব নওয়াজৰ ষড়যন্ত্ৰে বারহ
বৰ্ণাৰ মণিপুৰ আক্রমণৰ কলে তেংকলহান অয়া আমার মানু জিৰিবাম
অয়া কাছাড় বারহ সীলেট ত্রিপুরাদে আইলা। ফলে আমার মানু নিজস্ব
সাংস্কৃতিক ঐতিহ্য বহাল থছি। আমার মানুয়ে দুৰ্গাপূজা এহান বিশেষ
করিয়া মানসিক হিস'বে নিয়াম পালন করতারা। বারহ ঔ পূজাৰ দৃষ্টি-
ভঙ্গী এতা হিন্দু বাঙ্গালীরাংতো খানি তঙাল।

ক) বাঙালীৰ লগে পার্থক্য:— বাঙালীয়ে দুৰ্গাপূজা এহানৰে
শরৎকালে বাত যন্ত্ৰলো আড়ম্বৰ আনন্দ উৎসব হিসাবে নিয়াম পালন
করতারা। তৰে তানু হুদা বাঙালীৰ দুৰ্গাপূজা বুলিয়া পত্ৰ পত্রিকাত

প্রকাশ করতারা। কিন্তু আমারতায় এহান হোতাকরে হারপানি লাগতয় যে এহান হুদা তানুর পূজাহান নাগয়। সমগ্র হিন্দু জাতর প্রধান উৎসবহান। এহান কবি তুলসীদাস গিরকর “রামচরিত মানস” সেরিকে হবাকরে হারপেয়ার। বাঙ্গালীয়ে ঢাক, ঢোল, কিতালো ঢং ঢং বাজেয়া হুদা পূজারমা ফালদিতারা; কিন্তু আমারতায় পুন্নিংযৌপা ভাবলো পূজারমা আরতি করতারা।

বারহ পূজার অষ্টমী তিথিরমা বলির দিনহান বুলিয়ার ঔপেইত তানু ছাগি বলি দিয়া ইমা দুর্গার ভেট দিতারা কিন্তু ঔতা শাক্ত ধর্মাবলম্বী উতায় করতারা তা। কিন্তু বৈষ্ণব ধর্মাবলম্বী মানু থকরা আমি জীব-বলীর পরিবর্তে কুমারা আগো দা'লো ফারিয়া ইমা গিগ্ধানকরাং কাতকরিয়ার। এহানর তঙাল ঐতিহ্য আহান আছে।

খ) পূজারমা জাতীয় সংস্কৃতি :— i) দুর্গাপূজারমা আমি ইমা গিগ্ধানকর মুঙে পুন্নিং সেওয়া বৈষ্ণব পদাবলীর সুরলো আরতি করিয়ার। থাংনাত আরতির দ্বি-পারেঙ উল্লেখ কররি।

‘মাও ভব তারিণী, শিবের শিবানী।’

কৈলাসেতে পূজি আমি দেব নারায়ণী,

মাও ভব শিবানী,

বারহ ইসালপার এলা দুর্গার মুঙে ফাংনা দিতে হুনিয়ার —

“কালো কাত্যায়ণী, মা ভবানী,

তোরে পূজিমু আমি দেব-নারায়ণী।

ii) রাগ বারহ ছন্দ :—

“পূর্বেতে ছিলে মাগো তুমি কৈলাসবাসিনী,

মইসাসুর মারি আইলে তুমি এধরনী।

দেব উদ্ধার লাগিয়া আইলা মর্ত্যধামে,

কি দিয়া পূজিমু মাগো আমি তোমারে।”

গজর ঠকরা আরতির এলা, বারহ ইসালপার ছন্দ-রাগ এতা নিশ্চয়ই জাতর সংস্কৃতির ধারক-বাহক। বাঙ্গালী সমাজে দুর্গাপূজাত এতার চল

নিয়াম কমা আমার সমাজে এ চল এহান আছে বুলিয়া আমি এহান পুরা আনন্দ উৎসবহান না নিকরিয়ান অর্থাৎ বিষ্ণুর তত্ত্ব থকয়া আড়ম্বর না করিয়া ভাব-ভক্তিলো পূজা করিয়ার।

গ) পূজারমা জাতীয় সংস্কার বারহ জাগরণ:— আমি এবাকা দেহিয়ারতা- আমার সমাজে পূজা করানির সময়ত দুর্গার মূর্তিগো মুণ্ডে পালকরিয়া সমাজর কুসংস্কারর মনোভাবলো ফিটার কোলি, পরগণা বা গাও ঘরর দলাদলি কোলি বারহ সমাজর ক্ষমতা লড়াইর কোলি শ্রাদ্ধ-কীর্তন পার্বন বাদে পূজারমাউ, এতালোউ মোকে মেইকুথু - দিতারা। গজর ইকরা আলোচনামতে পূজার যে গুরুত্ব পানা থকু ওতা আকবেদে বেলতারা। পূজারমা ইসালপার ফাংনার এলা পেটবুজে হুনলাকো পুরি আকদাপা না হমেইলে আবাক আকদাপায় চিরাচিরি করিয়াউ গুরুগুরু করতারা। তা থকয়া এতা মনেস্ত দূরেই করানি থক। এ প্রগতিশীল যুগ এহানাৎ জাতীয়তাবোধর বিকাশ, ঐতিহ্যর বিকাশ, বারহ খুমল-মৈরাঙর পুরাণা য্যারী নিংশিং অনা থক।

বিশেষ করিয়া দুর্গাপূজার বিজয়া দশমীর দিন এহান বিদায়র দিনহান। এ দিন এহান সমগ্র হিন্দু সমাজে দুঃখপূর্ণ দিনহান। এরে দিনে দুর্গা ইমা বিদায় নিয়া যিগীয়া। যেসাদে নিঙল এগো বেয়াপার ঘরেস্ত সালয়া হোরিয়লর ঘরে যিতেগা বেয়াপার ঘরর কোলি এতা দেহিয়া বজ্রাঘাত পেইরী, ঠিক ওসাদে দুর্গা ইমা কাদিয়া যিগীয়া। এহানলো ওরে দিনে আমার বেয়াপা এতা নিয়াম আহির পানি বেলতারা। কিন্তু আমি মুনি এতাতে কাদানিয়উ না জানি অর্থাৎ আমার অন্তর এতা কঠোর পাষণ, অবশ্য হাবি নাগয়। তা থকয়া এরে বিদায়র দিনে সমাজর কোলি কিতা পাহরানি থক। কারণ নিঙল এগো দিয়া দিয়া, সংসারিক করিয়া হৌ ছুমারা অয়া বড়ীগো অইলেউ বেয়াপার ঘরে চিরদিন নিঙলগো ওহানলো দুর্গা ইমা চিরদিন কুমারীগো বুলিয়া বামুনে পূজারমা সলকরতে কুমারীপূজা করতারা। এরে সময়ত, এ দুঃখর দিনে আমি হাবি,

এক অনা থকা ঔহানলো ঔ ইমা ছুর্গার রাতুল চরণে হমা দিয়া লম-
করিয়া মাতুরি—


“নমো, নমো নারায়ণী,

শিবের শিবানী

কৈলাসেতে থাকো তুমি

মাও ভবতারিণী।”





এক জনের মত। যেহেতু এই দেশে জমিদারি প্রথা প্রচলিত ছিল।
কিন্তু এখানে -


নাম - নরেন্দ্র নাথ

জিহ্মক শিকারী

উল্লেখ্য যে এখানে

কোন প্রকার

★ ★ ★



‘প্রবন্ধ সংকলন’ অরলেখক শ্রীব্রজগোপাল

সিংহর জরম করিমগঞ্জ জিলার (তৎকালীন মহকুমা)

কৃষ্ণনগর গাঙে ১৯৫০ ইংরাজীর অক্টোবর মাহাতা বাপক

কুলচন্দ্র সিংহ অউসময়কার ঐতিহ্যবাহী পুরাণ স্কুলগ

দরগারবন্ধ এল পি.র প্রধান শিক্ষকগ বারো মালক, হেমলতা

দেবীউ শিক্ষয়িত্রীগ হিসাবে সুনাম অর্জন করিয়া আছিলি।

শিক্ষার বেদে লেখক গিরকে ১৯৭৬ ইংরাজীত এম.এ. বারো

বি.টি., ১৯৮৩ ইংরাজীত শাস্ত্রী (ব্যাকরণে) বারো ১৯৯৬

ইংরাজীত এল.এল.বি. ডিগ্রী সুনামর সহিত অর্জন করেছিল।

কর্মজীবন আরম্ভ অসিলতায় ১৯৭৭ ইংরাজীত নেহেরু

বিদ্যাপীঠ হাইস্কুলে প্রধান শিক্ষকর দায়িত্ব নেনার সময়ত্ত।

১৯৭৯ ইংরাজীত অউ চাকুরী এরেদিয়া সি.ভি.পি. হাঃ সেঃ

স্কুলে বিষয় শিক্ষক হিসাবে নিযুক্ত অয়া পিসে পিসে উপাধ্যক্ষ

পদে, উতার কয়েক মাস পরে ১৯৯৮ ইংরাজীর জুলাই মাসেত্ত

এবাকা পেয়া ভারপ্রাপ্ত অধ্যক্ষ হিসাবে স্কুলগর দায়িত্ব নিয়া

আছে।

তাঁর ইকরা লেরিকরমা কবিতা সংকলন ‘লেইরুক’ (১৯৮৩

ইং), নাটকনল-দময়ন্তী (১৯৮৮ ইং), বিশেষ প্রবন্ধ আহান

- ‘দুল্লভছড়ার ইতিহাস’ (দুল্লভছড়া উন্নয়ন খণ্ডরস্মরনিকাত

প্রকাশিত) ইত্যাদি উল্লেখযোগ্য। ফণ্ডনির অপেক্ষায় আছে

লেরিকরমা History of Vishnupriya

Manipuri. VOL A+B, Defferent Clans

amongst Vishnupriya Manipuri বারো প্রবন্ধ

সংকলন দ্বিতীয় খণ্ড ইত্যাদি।



শ্রী ব্রজগোপাল সিংহ এম.এ.বিটি
এল.এল.বি. ব্যাকরণ শাস্ত্রী।